

兩浙輶軒續錄

兩浙輶軒續錄卷三十八目

蔡念慈 鍾世燿 張興仁 何國琛 錢寶青

張金鏞 曹汝賡 孫人鳳 郭彤伯 鄒在衡

施朝幹 毛庚 沈金生 曹籀 高學洛

朱子庚 陳天佑 沈壽榕 馬洵 蔣仁榮

金蓀 王士珠 張寶琛 馬宣詔 孫燮

陳經 林鍾岳 秦淦 周原 王錫齡

方絜 項傳梅 林啟亨 都榮森 蔣賜勳

嚴炳 陳景高 王大經 高三祝 姚觀元

趙炳麟 王誠 周紹濂 張慶璜 余勉翰

盧燮 陳德純 鄭桂東 陶良翰 諸葛釗

鮑淦生 蔣勤培 汪士驤 吳承勳 趙慶瀾

查餘穀 郭沈華 許誦嘉 祝富明 楊韻

孫 灝 徐元琛 范仁壽 沈紀常 戴 蕊

張培基 盛 塚 沈 謙 呂作心 王 齡

謝青揚 孫鼎吉 沈士津 黃式穀 顧文煒

陶思曾 蔣志杰 陶 春 潘炳藻 傅克莊

錢 玫 陳雲衢 王性之

兩浙輶軒續錄卷三十八

督學使者潘衍桐訂

蔡念慈

字慰曾號遠齋仁和人道光辛丑會元官翰林院編修

前郡詩三輯遠齋幼孤承母教辛丑冠南宮入詞苑

成廟垂問家世知與其祖其武通籍科分適同
天語褒嘉稱為祖孫同年乙巳會試同考丙午典試福建
特旨派錄

皇清開國方略入直

南書房駁駁大用矣間母喪星奔赴粵卒於潮州

秦皇繫纜石歌

君不見江流截斷西湖出錦纜牙檣久銷歇高岸爲谷海爲田
片石猶傳秦代物蓬萊宮闕雲霞邊迴風引舟舟不前帝王萬
世亦足耳人間何地求神仙山河一覽良快意龍舟如飛蛟鱷
避副車擊破不知愁埋金瘞劒真遊戲遠窮禹迹來錢塘恣意
行樂何所妨長繩繫舟不繫日景光回首沈扶桑可憐軹道降
王走阿房一炬悲風吼寰中何物屬君家青山

無言石奇醜突兀波心照影寒湖船如葉繫應難笑煞裝金
畱幻象行人都作佛頭看

鍾世耀

原名榮字肅谿仁和人道光辛丑進士官兵部主事在籍殉難卹贈郎中著思慎齋集

浙江忠義錄世耀儀度修偉夙負鄉望詩古文詞能成一家言任部曹時听夕從公至於成疾咸豐四年假歸杜門湖墅足不一至公府惟十一年賊勢日逼始借張編修洵一詣大吏陳利害商戰守而已十一月杭城再陷絕粒殉節

鬼谷洞

戰略授孫龐縱橫傳儀秦身有用世才而爲出世人洞口訪
遺蹤杳然迷白雲

陋巷

陋巷蕭條客至稀門前桃李開芳菲風吹花片霑我衣憑闌
獨立一惆悵天末故人胡不歸

張興仁

字惕齋錢塘人道光辛北進士官

張應昌曰兄子興仁幼孤隨余讀書聰慧好學道光丁酉舉下鄉辛丑成進士入翰林改刑部主事歷郎中曜御史咸豐丙辰主試廣東所得多名士李君文田其著者旋出守建昌以履任稽遲調取入都未幾卒

釣臺煙雨

景宜陽八

昔登子陵臺倒映桐江綠今來彭君巖清風踵高躅鷗天浪不驚鱸鄉秋更肅我欲理絲筒煙波何處宿

何國琛

字白英海甯人道光辛丑進士官湖北襄陽知府署督糧道著皆大歡喜齋詩稿

許淮祥曰白英至性過人孝通籍後分戶部板輿迎養朝夕不離左右色笑甚懽其官農曹時綜核度支勤謹精細壽陽相國亟賞之嘗隨星使馳往山西審理案件河東查辦鹽務措置有方同僚推服京察一等授襄陽知府以母老乞養京邸門庭和順優游十載蔣果敏開府粵東奏調隨往襄贊戎幕論功擢觀察服闋赴鄂一權糧儲道篆卒年七十有二

鄂城懷古

翼軫分躔枕上流熊渠錫爵冠通侯當年歌舞橫江出是處
樓臺載酒遊龍角峰高天外削虎頭雲起坐中收興亡自昔
無成局畢竟英雄讓仲謀

舳艫千里已銷沈鐵板銅琶思不禁黃鵠摩空春雨暝白羊
來下暮煙深更無人物誇吳蜀只有江山自古今醉後獨看
鸚鵡賦一輪明月滌煩襟

玉卣詩爲江夏彭氏作

江邊老漁仁者壽釣璜不讓磻谿叟惟天降康地效靈歲星
在卯得玉卣荆山之璞和闐英神物出世良非偶制圓以潔
形神全質溫而澤色微黝銘詞篆隸多吉祥以祈爾爵旨且
有樂大司徒何許人子象之子果宏否世人博古好奇譎往
往聚訟徒紛糾爬沙剔蘚歷墳冢鴛鴦銅雀誇瓦缶其間真

質起分別文字真欲窮蚪蚪何如廡下發夜光尊簋依稀納
自牖或疑合浦還或定周秦後是耶非耶姑弗爭享金瑤石
各有取璠璣甌磬同收藏虎彝雌敦列左右誦君詩飲君酒
尚可容升酌大斗孫又生子子又孫願君世世永珍守

題陳襄夔赭山唱和集

吳山越嶠莽榛荆沙鳴村南且辟兵有客聯吟同患難

謂許辛木

生何人玩寇竟縱橫獨餘湖海元龍氣漫作呢喃旅燕聲讀
罷重看無限意游仙題畫不勝情

錢寶青

字萍石嘉善人道光辛丑進士官至左副都御史

府志寶青由主事擢至宗丞仍在軍機處行走一典湖北鄉試咸豐七年京城鐵錢壅滯條陳疏通九年奉詢湖北軍情歷陳官文胡林翼和衷濟事楚軍成敗視林翼去留為轉移毋任以奪情為不安許離署任言中機

上嘉納之

梅花庵

生計問垂簾遺蛻託梵塔高人不可尋凍雲自匿帀佛香和
寒梅春草滿塵榻庵門晝不開招隱尙畱額我懷先人型甌
墨存響搗手拂梁閒塵興廢問寒衲萬个青琅玕風來劇蕭
颯余家藏梅道人手書心經
先曾大父勒石置庵中

張金鏞

原名敦瞿字良甫號海門平湖人道光辛丑
進士官翰林院侍講著躬厚堂詩錄十四卷

楊彝珍序略君少負才望既入詞垣以振興文教爲己
任及視學湘中品第高下士論翕然試畢一弛禁防進
髦士於庭飲之酒或袖詩文求審定卽爲評騰竝指授
法度後聞君之喪皆爲位哭其教思之入人者深矣

移居徐少司空丈

士芬

宅卽呈二首

家具無多壓細輦殘蟬喜借別枝安一瓶入畫同開士半甌
生塵笑冷官夕露疏闌花影溼秋雲斷砌樹根蟠蕭閒要倩
倪迂筆替寫蘿陰古屋寒

清名人說舊平章

文所居爲董文恭公舊宅

甲第重開大雅堂推宅儘容

成小住接茵多愧長諸郎寓公身世巢禽寄逆旅乾坤磨蟻忙欲賦移居詩思盪怕拈險韻和山薑

書忠雅堂集

玉局仙人下大荒朱絃疏越羽兼商孝思竟欲追顏閔晚境眞能說列莊老樹成陰生遠籟清流見底愛滄浪金門輸爾辭官早我亦衰親兩鬢霜

得沈大令

淮

書久不報寄詩代柬

良朋似明月嬋娟在天末千里關山長夢魂夜飛越昨歲貽我書嚴霜仲冬節寄我平生詩瑤華照冰雪君爲親民官民事日倉卒頗聞簿書暇舊業猶未輟我居人海中日夕苦喧聒豈無言笑歡人稠我仍了金穴不可尋僊鄉亦徒說眷言

素心侶何以慰契闊短謠不成篇聊補報章闕

按校落卷示李蘭孫

鴻藻

更與披沙細校論登才寬廣被

恩言

本科晉省以連年捐輸數鉅加額三十人

生憎落葉先辭樹但拾孤花要有

根晉士本來多磊砢師門重爲滌淵源

謂壽陽公

簾前一寸熒熒

燭明日青衫滿淚痕

衡州試畢攜異等生及新補弟子員十有五人遊石鼓

書院登浩然臺劉大令

祝慶

爲置酒賦此言志

雲挾山光赴酒杯台江亭畔一徘徊不驚鷗鷺沙邊宿似有
魚龍水面來志士讀書期用世長官清夜此登臺桴枝自種
森森玉欲養新桐作大材

曹汝賡

字秋湄金華人道光辛丑進士官甘肅哈密通判

葉盤曰咸豐初先生以養親告歸主麗正書院幾十年
循循善誘盤成童猶及見丰采同治間卒於建甯軍次

永嘉阻雨偕董子幹盼游江心寺

水驛趁城郭名山俱懶尋朋儔多跌宕風雨復登臨江影危
樓滿茶煙古院沈塵蹤方此始小住愜幽襟

孫人鳳

字翔伯錢塘諸生
著復見心齋詩草

王詒壽序略翔伯先生儒林丈人陳芳鴻彥出示全集
天機自然濯瑤蕤于秋泓激萬吹于空碧彈其古調抒
此性

靈

魏錫曾跋略錢塘子授侍郎使閩之四年梓成贈公翔
伯先生詩草六卷稱心而言不假雕飾集中題餘杭章
氏十一人殉難略詩錢孺人者錫曾表弟蕙秋茂才恩
沛之配莘農名師洛蕙秋弟亦諸生皆殉庚申之難得
先生表章
為不朽爾

張肖梅太史殉難會垣全家并命客有傳其絕命詞

至甬者迴憶廿載交情讀之慟哭因成此詩

天地心能見睢陽有後人危城終致命大節竟成仁七日淵
泉潔千秋俎豆新杜鵑聲已北令我一傷神

題餘杭章氏十一人殉難事略

素識石芝叟今人中古人矻矻孝廉老窮經善其身不幸遭

賊氛大節峰嶙峋平生文字契來者誰問津

石芝孝廉

嵯尹有目山讀書遵母訓母老仕何爲里居守其分鄉關逼

羣盜志士傷時運死當食汝肉不屈見學問

目山嵯尹

雲書孤介性落落寡交游君家靈源里簞絕花邊樓云何丁

寇難畢命投清流流水無時竭清節誰能侔

雲書茂才

次垣老諸生步步循規矩平生無短長太義獨能樹誰扶蹒

跚行顛沛中有主辭君陡門道僵立自千古

次垣茂才

憶昔交杏樓爲學獨苦志鄉薦乙卯科一赴春官試養病近

六年劇寇驚四至嘻笑易怒罵臨危亦負異

杏樓孝廉

從游弟子中華農年最幼伯仲角爲文英英吐奇秀一試遂

游庠遠大期造就可憐分金兜抱才遭外寇

莘農茂才

年少負氣力孰似章曼生喋血詎畏賊而況逼之行臥地終

不起白石比堅貞火烙與刃加怒目尙瞪瞪

曼生

章母松柏心氏出武林許鰥居五十年長幼皆有序七十見

亂離窮途誰與語三官塘水清赴義爲得所

許太宜人

章生蕙秋婦目見賦子歸系出名門女頗知時事非賊至夫

遠出密縫身上衣從容以就義彤管流芳輝

錢孺人

與其生而汙不如死而潔偉哉王氏言儒門知立節致幼子

於姑滴滴心頭血夫歸儻有期事母當力竭

王孺人

亥姑年十五女中偉丈夫依母避鄉居亦復走貔驅心驚膽

不落抱柱而大呼之死罵尤烈媿殺草閒奴姑

觀經兒書門聯云安居新歲月福地近湖山足成五律

怡情詩度日工拙不多刪缸面冰花解簷牙鳥雀閒安居新

歲月福地近湖山雨洗庭階潤萊衣莫染斑

郭彤伯

字柳村錢塘諸生

朱康壽曰柳村與邵左星文學爲文字交康壽少時朝夕過從獲益良多不愧爲篤行君子也

于廟觀王文成墨刻楹帖

蒼龍失馭都門開河南巡撫輕裘來功成竟被讒搆死賸有
白骨青山埋旌功祠前訪墨迹射斗虹光森奕奕書之者誰
王文成當年亦貶龍場驛憶昔景泰正德年宸濠跋扈同也
先浙東西各產豪傑齊將赤手擎蒼天人逢知己恨應雪兩
字英雄勝標碣陽明才氣少保倫和墨書成一腔血時閱三

十載有餘後賢景仰先賢廬元崇墓待張說表有道碑勝中
郎書鐵石森然照肝膽廿六明珠摘驪頷銀河倒挽入硯池
下筆驚人氣先敢沿山咫尺勳賢祠神靈默契心相知雲車
風馬自來去二賢不異同朝時卽今東南盛軍牒羽檄交馳
日三接常思勁旅出九門更望鄱陽濟舟楫敬瞻手筆中心
傷鐘聲一杵催斜陽南屏路與剡谿接隔江雲樹天蒼蒼

鄒在衡

字蓉閣錢塘人官江蘇縣丞著有問桃花館詩鈔

徐宗幹曰清源于役久欲作轉漕詩而未果讀集中糧艘過牖詩爲之閣筆

觀糧艘過牖有作

國家制漕船每額八百石中艚計所儲爲斛千六百溯初由
海運險涉蛟龍窟造舟在穩固不復計尋尺波濤苦簸揚潮
汐肆吞齧溯黃三百里始自前明日專責立官吏沿隄置郵

驛迤從淮徐來直自長蘆入疏通眾水交浚瀾支河晰千牘
嚴啟閉三壩慎宣塞我來黃河濱正值糧艘集一時牘壩開
水等尾閭洩但圖轉運功似礙防河策漕船造作異高大過
屋脊一船萬斛重百夫不能拽上牘登嶺難下牘流矢急頭
工與水手十人有定額到此更不動乃役民夫力鳴鉦集酋
豪紛紛按部立其人似蟲羸其身如鬼黑短繩齊挽臂繞向
絞輪密邪許萬口呼其拽一繩直死力各掙前前起或後跌
一船幸得過再上力無歇設或一觸時倒若退飛鷁再拽愈
難動勢拗水更逆大官傳令來催趨有限刻牘吏奉令行鞭
棒亂敲擊可憐此民苦力盡骨復折辛苦拽一船未必多錢
給聊爲救飢寒強如忍餓卒伊彼諸旗丁夫婦安汛宅大艙
坵商旅低腰屯貨物臘開夏盡到米半蟲鼠齧肆意自偷賣

罔慮額數缺補額亦有方日汲河水潑暑溼互薰蒸變爲霉爛白運弁代之請冀邀

聖恩豁不知奉上者

國家有定則念彼東南民服疇納稼穡于以貢神倉于以奉

王食乃在受兌初耗羨苦逼勒及至正供中又敢巧侵蝕更有篙師輩作爲不可詰好勇而很鬪衣草而弄鐵及早爲稽查有犯治不貸庶幾消禍源無徒事姑息凡事至敝壞補救當亟亟方今

聖天子念及漕運切何以戢私侵而可省民力上慰宵旰憂次將帑藏惜迂儒見如此誰爲大府說

王逸少感懷帖宋徽宗內府藏本後歸東海徐元度今

藏利津紀氏李子芬孝廉世賢屬賦

右軍當時書數紙白鷺換及其誓墓後不復揮柔翰

義之告靈以後

不復自書皆使代筆人

所以真蹟稀贋本偽益亂黃庭與蘭

亭碑揭久漫漶更如裏鮮帖唐宋已莫按何以感懷帖尤爲

世珍玩草書勢道勁龍蛇蟠手腕爲字四十九字字元精貫

光彩鬱奇律珠斗耀璀璨片楮寸寸裂有若雲霞縵千秋墨

寶珍神氣鎮不散縱歷萬古後不隨故紙爛緬想晉室時鍾

王書各判右軍節尤高論事動悲惋發粟請振飢上疏拯災

難豈其瀾東土山水游浩漫書爲心之畫流傳異塗竄有宋

徽廟初宣和御書煥元暉奉敕定斯語不河漢西山與文山

大儒幾書讚子昂後作記言亦非武斷古今第一書實爲翠

墨冠我今快眼福肅觀莫名贊盥手一展視焚香拭几案

上黃樹齋侍郎

尉絃

聲名山斗共推韓嶽嶽風清獬豸冠籌

國獨能操本計論文早見挽狂瀾汪洋度挹波千頃曲達才
如嶺八盤

聖代兵刑胥重任好修庶獄弼師干

兩持玉尺下江東愛士依然秉至公法曲後先裁雅奏名花

早晚被春風陸歐有榜名材出陳艾無爭社黨融最喜寒家

衣鉢遠一枝新報狀元紅

先生昨歲典試江南李君承霖獲雋今年以第一人及第其鄉試師

賈輝山家君戊子山東分校所得士也

閩海迢迢路最紆使車纔返又重驅照人堂上原如鏡記事
胷中定有珠經濟一時聯富范公明隨處頌皋蘇南天矯首
霞關峻蓮幕無由效走趨

趨庭亦是少陵時倒篋空餘望嶽詩竹柏性情甘冷淡芭蕉
身世太離披家貧敢說才能富親老何堪數屢奇獨有汪倫
工薦士

謂汪孟龍門一上慰遐思
悲農部

東漢太傅竇德侯卓茂玉印歌爲韓履卿丈賦

瑩然古玉一方印
鼉紐青章土斑迸
精堅文體辨漢隸
太傅老臣舊密令
我思漢政當哀平
王莽竊柄乾符傾
傳國玉璽竟脅取
漢家老婦焉能爭
昆陽轉戰真人出
紫色蛙聲一時黜
卓公治久洽民心
詔下徵車隆輔弼
是時草昧初經綸
四方申討煩武臣
想當運籌預機務
親鈐印記芝泥新
隗囂已死公孫戮
宛洛基開驕志伏
貫魚有寵貴妃升
璽解椒房郭后哭
公如身在豈不諫

公卒於建武四年

世事雨霜先集霰受命爭

言赤伏符讖緯紛陳主德倦噫嘻吁金匱銅斗久滅磨芝房

寶鼎沈汾河二千年來賸此印流傳疑有蛟龍呵履卿丈人
識鑒古蒼籀冰斯善摹撫忽歌得寶喜欲狂虬結鸞翔入手
覩願印萬本還徵詩我來懷古先陳詞治民如子教愛敬安
得似此賢有司

施朝幹

字庭午錢塘諸生
著鴈華館詩存

壽松堂詩話君熟於南宋掌故所著有仰
西山稿補杭州府七志武林人物新志
浙江忠義錄辛酉
之變與三顧同殉

夜宿山家

暝趨山人家杯酒極披款高峰雲意寒老屋秋聲滿月從江
上來隙逗竹籬短今夜問如何孤鐙暫爲伴
伴我祇寒檠山深不能夢披衣啟茅戶星辰出頃洞萬籟寂
無諠四圍天宇空惟聞古寺鐘蒼茫雲外送

毛

庚

字西堂錢塘諸生

高望曾曰西堂尤工石刻杭城失陷有募書名者以千金謀贖之賊中而君已殉難矣

杭郡詩三輯西堂事親孝喜周貧乏咸豐年裏辦團練隨萬藕船侍郎防堵杭城再陷死之

谿山清曠圖

一湖秋水白生波遠列雲屏結翠螺策杖尋幽隨處得谿山

倒影鏡中過

沈金生

字雲波仁

杭郡詩三輯雲波年十二卽游鄉校才識靈敏口若懸河爲文操筆立就人皆異之

蕭照涼堂畫壁歌

巍然御園臨湖開下有深紅淺白千株梅停舟躡屐一登眺
西湖春水濃于醅涼堂空明何所有萬笏峰巒生戶牖是誰
繪者韻生動蕭照當年推好手在昔紹興堂始成丹楹刻桷

園雕甍惜哉四壁乃純素豫遊未適官家情壁凡四堵高三
丈擬寫嵯峨與澎湃聞道乘輿明日來御前亟趣蕭生往蕭
生豈獨老畫師雅懷更喜持金卮爲乞尙方酒四斗竭來正
屆黃昏時每一斗盡剛一鼓一鼓將殘成一堵如是者四畫
已竣醉墨淋漓筆飛舞煙雲變滅天陰晴四壁驅走波濤聲
置身彷彿遊汗漫兩袖翼翼天風生裁眉雪色匡廬瀑老樹
秋紅草春綠一一都從壁上觀風雨奔騰嵐斷續由來繪事
通神明眞形寫出天地驚生從何處得粉本筆花到處吞蓬
瀛五日畫水十日石繪事不難難畫壁龍拏虎攫腕孤懸此
手眞應稱霹靂宜乎周覽愜宸衷爭羨君王禮遇隆至今元
氣障猶溼令人想見酡顏紅我來恰值湖波碧四顧蒼茫慨
陳迹延祥觀外夕陽低數椽牘有空王宅

西湖櫂歌

十二紅橋曲曲橫樓臺倒影畫初晴一層金碧一層水著箇
鷺鷥纔眼明

繞城都是水雲鄉翦水裁雲費較量舊水不如新水碧晴雲
爭似雨雲忙

宿雨初收醉眼醒玉笛一聲開畫屏分付東風莫吹去杏花
樓上有人聽

浴鵲灣頭罷采菱西風吹浪浪層層暮雲捲起秋羅薄涼煞
湖樓壁上鐙

蘇公隄上晚涼初處士祠邊雨過餘惹得游魚齊出水一鉤
新月影如梳

段家橋畔夕陽紅簫鼓船歸趁晚風吹盡柳花飛盡燕夜來

閒卻月當空

曹

籀

原名金籀字葛民號柳橋原名金籀字葛民號柳

緝雅堂詩話柳橋與龔璉人交好性耽禪悅設維摩經會好金石文字有讀漢書西域傳樂府十二首致佳所嗜均如璉人著有古文原始春秋鑽燧籀書內外篇石屋文字釋文蟬蛻集無盡鐘詞

夏夜與龔定盦王子若豫園話月子若為畫豫園話月

圖

龔名自珍仁和人時官內閣中書王名應綬太倉人

一榻臥花陰灩灩露滿襟小園今夕話明月故鄉心海內論
交晚生平感遇深隔鄰絃管急愴我獨清吟

廣州六榕寺

不見菩提樹當年選佛場南宗分一派東渡煽餘光未悟拈
花笑何能續瓣香題廊四句偈舉似待商量

城北龍興寺禮國一禪師舍利塔塔四周鐫刻尊勝陀

羅尼經命工拓數紙貽贈同好

齊梁四百八十寺都在南朝錦繡地吳越八萬四千塔全仿

西竺金銀刹祥符寺中九千九百九十九眼井祇是禪家一

破衲

祥符寺舊有九千九百九十九眼井今寺東有小卷名百井坊想以此得名龍興祥符本一寺後復分出戒壇

其為

三寺旁啟精舍曰龍興分得祥符九曲鐙焚香朝誦經律論

持花暮獻佛法僧我來正遇釋迦涅槃日瞻仰初枕第一層

我聞國一禪師真身分舍利石幢高建好安置八百年來常

放光四面周刻尊勝陀羅尼不解唵嚩嚩但解讀南無薄伽

伐帝準合華嚴四十二母字

尊勝咒有兩譯本一本唵嚩嚩三字起首一本南無薄伽伐帝

起首此幢依後譯本

青衣洞口泉水清上有邢道士題名恰與此幢南

北後先相照曜年月同紀唐開成

吳山青衣洞題名諸葛鑑元八分書開成元年六月

龍興寺尊勝經幢胡季良行書開成二年正月

春暮歸里宿江干老屋次日展先父母墓幸存誌感

山鬼夜歎江月黑青燐暗閃蟲唧唧松風一徑墓門寒可憐
滿地皆荆棘翡翠巢中紫燕棲鶯鶯灘畔白荷栽燕已去兮
今復回蓮盡落兮何時開老屋數閒而已矣不見主人歸去
來碧草亂迷故邱壟夕陽空照舊樓臺翩翩拂袖自門入次
弟相見各一揖說到生離死別情轉喉嗚咽吞聲泣白髮欣
逢小謝親赤手徒悲南阮貧商量買米辦羹飯破竈煙熏燒
涇薪預卜來朝日初曙提携老幼同祭墓杯酒澆土焚紙錢
烏嘯一聲飛上樹余舊居江干顏其讀書室曰翡翠巢先父
母墓在艮山門外河東邨鶯鶯灘自遭亂
離被虜殉難者過半歸來惟一老
弟及姪婦姪孫男女共四人存耳

高學洛

原名世恩號素生
鳳臺子仁和人

竹屋

萬个修篁照眼明移來寒翠滿窗楹置身未敢侔高節相對
差能遠俗情為愛清風常入坐偶聞疏雨雜殘更子猷以外
誰真賞繞砌森森意自傾

朱子庚字秋舫仁和人官江蘇吳縣知縣著梨雲仙館草

楊振鎬曰秋舫丈性好風雅以詩話詞曲名於時尤工墨梅先走燕趙吳越間為人掌記室後卒金匱調吳縣歸以憂

曉起與陸藥珊太守話別

早起月初落天光雲影閒宦情江上水詩意畫中山馬色野
煙外雞聲深樹閒沽來花露酒一酌慰離顏

陳天佑字笠漁海甯諸生著脩竹吾廬吟草

鍾大源序略笠漁沈靜嗜學初不知其能詩一日令兄鹿賓出其詠花詩見示體物工細風調絕佳余始奇之且喜誰園先生之繩武有人也先生為前輩詩老負海內盛名今笠漁又起而張之謂非難得而可貴者歟

臨平夜泊

荒村人迹少寒夜泊輕舟月色半湖白波光一鏡秋嚴關商客艇遠火酒家樓前去半山近鐘聲旅客愁

讀拙政園詩有感

芳草斜陽燒痕碧莎徑苔濃無人迹碎瓦頽垣煙樹昏當時歌舞誰家宅憶昔名園倡業時陵谷變遷主頻易自從歸入相公家赫奕高懸拙政額就中山水最清幽屈指江南少儔匹山茶幾樹寶珠紅園中寶珠山茶最盛樓閣參差等百尺百尺樓在閒園中司吳梅村太史有歌寇丙齋公之別業愁悵名園目未窺相公已受龍庭謫相素庵公自買此園在政地十年不歸再經謫謫此園從未寓目遼陽十載不歸來花自開兮人自沒轉眼恩恩十二年

聖恩始許歸骸骨

相公卒於謫所十二年夫人姪紫嫣紅也

徐氏始克上疏扶櫬回里

雨浙輶軒續錄卷三十六

陳天佑 沈壽榕

古

八

黯然春光零落無人惜回憶此園枉斷腸風景依稀已非昔
惟畱一卷夫人詩讀罷不禁淚欲滴

沈壽榕

字明山號意文海甯人官雲南鹽法道

許桂林祥曰朗山觀察才氣奔放下筆千言初以縣令試西蜀吳仲雲制府賞其才督師旗中疏請隨行以從征功累擢至觀察賞黃馬褂及巴圖魯勇號旋爲忌者中傷去任大吏疏畱署迤西道以病乞歸尋卒

劍門山

雙劍橫今古蒼茫雲霧閒長空絕飛鳥老樹立當關地險天
爭勢峰奇石不頑三川此門戶幾輩勒銘還

和仲雲夫子畱別原韻

埽除萬里鏡空明病起稱翁喜再生

公病後自號再翁

八座移來鳩

杖短

去冬始用杖

五湖歸去片颿輕微聞朝野紛多事況復東南

未解兵中外勛名看

國史能回元氣在和平

舊聞天樂奏咸池耀日文章燦色絲魯殿靈光今尙在黃花
時節更爲誰安心

帝授延年訣眾口人傳疊韻詩兩載籌邊雙鬢雪茲鄉蠻觸
太離奇

相從萬里炎荒地臘盡春來雪未霏去路重看新柳綠離腸
先送落花飛浮家似寄貧堪笑知己難酬願恐違商略此行
差快意執鞭仍侍我公歸

他年舊事話南征水驛山郵似有情其羨榮華開綠野未忘
憂患在蒼生鐙前晚課諸孫讀陌上閒看野老耕我欲還家
隨杖履故園梅鶴本雙清

馬洵 字小眉海甯人著

錢泰吉曰小眉書學山谷詩亦近之與嘉興馮柳東察府交誼尤密所作互相商定小眉得伏波將軍銅鼓柳東偕同人歌詠之各出奇思以相角論者謂小眉才力亦足自樹一幟與其從父古芸舍人先後主盟騷壇無愧也

吾鄉

吾鄉近海壩從古稱澤國錢江控東南具區帶西北浦漵極澄鮮旦暮通潮汐商賈販魚鹽男女勤耕織勿憂水旱荒栽種地無隙承平日云久水利漸涇塞前年夏苦旱禾田欠收穫今年雨少行淹汙如溝洫舟楫之所通咫尺成間隔農事日以艱我心日以惕敢望賢宰牧稍展濟時策治水稽古法故道資考績率錢與雇役此事易為力汨汨津涯通工竣復舊迹上答

聖主恩下慰羣黎憾

何烈女詩

有女有女婉嫵姿小時失怙惟與母相依兄行賈出外常不

歸惟女及嫂門戶支晨昏定省無少虧

解一

女許字馬家郎郎

業儒讀書成療疾爲郎無計挽白日蹇修待聘行有期玉簫

聲斷生天隔

解二

女心惶惶身不得死惟念母在堂母兮夫兮

義則一忍從夫死而使母心傷熬辛鍊苦摧肝腸

解三

今年五

月母猝病晝奉湯藥夕顫斗柄但乞鬼伯赦回阿母命母命

終女生竟

解四

風淒淒兮夜未央綠蕊蕊兮鐙無光紉上服兮

連下裳繫朱絲兮仰屋梁魂號兮帝所騰黃螭兮飛白羽金

支翠黹紛然舉諸神來迎烈女

解五

其時道光年其家梅會里

烈女行六何其氏二十二歲七月死人言其事似近愚嗚呼

惟愚能如是烈女之愚足警頑夫懦婦不知恥梅花之香無

過此

六解

寄崔蒼雨

習懶清時儘笑頑圖書跌宕鬢毛斑我慚邢邵讎無暇君勝

裴生借卽還君方與余借書故云吾道交應如澹水中年心漸屬名山

樵門漁術紛紛甚學侶多疏合閉關

蔣仁榮

字杉亭海甯人著師經室詩稟

李善蘭曰杉亭初好作詩余勸之治經游長洲陳碩甫

先生之門得其指授晝夜研究學益湛深俾陳門高弟

許湛祥曰先生所著孟子音義攷證長沙王大司成先

承安計氏軔并序

軔出武康之計籌山縱一尺二分衡四寸弱厚一寸

皇清經解續編大戴禮集說尚未鐫板詩稟甚富大半散佚哲嗣子貞茂才學堅哀集得三百餘首藏於家

三分左側九字曰永安六年七月計氏造吾邑釋氏
六舟得之以贈計君曦伯按吳景帝晉惠帝魏莊帝
北涼沮渠蒙遜夏崇宗皆以永安紀元是甌出吳郡
其非北涼可知而晉與魏夏皆不及六年斷爲孫吳
物無疑攷湖志有黃武中車騎將軍計昭字叔明者
棄官隱禺山在今之武康縣一名計籌山山謙之吳
興記曰計籌山越大夫計然嘗籌計於此今甌旣出
此山則叔明之爲計然裔甌卽其歸隱時所造似皆
可信六舟係以銘有計氏造成計氏寶之句烏程張
君秋水爲之記曦伯琢爲硯繪守璧齋圖徵詩

何來一甌新出土款識分明歲月古車騎將軍歸隱時造以
作障圍芳圃圃中花藥栽植新湖榮志樂山水眞茗雪百里

煙雲合何啻避世武陵津津口青山幽且窅聚族耕耘聊安
飽江中鐵鎖久銷融眼前瓴甓何完好廬山行腳雅好事六舟
有廬山行腳圖得之珍重贈賢裔連城璧好合歸趙豈爲引玉拋軛
計琢成硯田田無賦呼作丈人誇奇遇銅雀兄耶香姜弟歷
千百年猶朝暮凹處細滴清泉來蒼潤未剔山中苔願君當
作璞玉抱宜爾子孫唯永寶

閉門

閉門得清福小住淡塵心林霽響殘雪竹深鳴凍禽呼僮開
臘釀偕弟試新吟今夜月初滿登樓喜不禁

游曝書亭

時邑侯朱述之先生勸捐重葺

曝書人去小亭空閒卻斜陽一徑紅

國史傳居文苑首詞科名冠布衣中園還舊觀勞今宰詩怕

新題忤老翁
穉竹閒餘蒿
蔚盡梅花開
候繫孤蓬

金

蔭

字蘭友號香谷嘉興人善香谷詩鈔

遠香詩話處士性至孝母病泣禱病遂痊里中如扶老養嬰惜字恤瘼埋骨諸舉皆賴經紀平生意氣傲兀論詩唯低首少陵酒邊背誦十不遺一斷句如花開先問近園樹月落不知何處船疑雲不厭屋低去好月忽貧窗破來皆

可傳誦

曹東序招同蔣槎客朱梅厓楊文樸集眺遠樓小酌

莫歎韶華又忽過
且同羣侶發清歌
似睢陽會五人飲
效柏梁詩七字哦
花映夕陽紅不減
柳含暮靄碧逾多
眼邊景物春猶在
休倚闌干喚奈何

王士珠

號春浦秀水人官翰林院孔目著槐蔭草堂集

計楠序略春浦生長漢皋髫齡歸里從孫古杉先生遊得其指授弱冠後遨遊江漢歷洞庭湘潭諸勝故其詩得江山之助

恆雨歎

黑雲漫空無晨昏山頭不見扶桑暎東村西舍白晝臥閉戶
忍作十日餓口乾腸飢兒嗁號泣聲直與雨聲高夜深布被
半牀溼朝來官吏打門急

秋暮費大崙嶺

源

自直隸歸

秋風吹古驛瑟瑟上征衣北雁一聲落遊人千里歸平安今
始信魂夢昔曾飛別後言無限翻令見面稀

新谿道中

擊汰新谿路谿行愛晚晴白楊寒有信紅葉落無聲一雁自
明滅孤蓬相送迎夕陽餘滿樹極目暮雲平

張寶琛

原名森書一名森玉字子度號沁梅海鹽諸生著借薇山館詩鈔

途中九日

百年憐九日獨客去重關涼吹禿羣樹夕陽荒亂山心依鴻
雁遠秋上鬢毛斑故里登臨處遲余十日還

春陰

已過春一半能有幾晴天蝶夢沈花霧鶯聲閣柳煙薄寒簾
不卷小悶榻閒眠寂寞前村裏東風酒旆懸

寄王二北平

盧龍塞上跨征鞍虎蹟秋高拂劒看絕徼滄波臨鴨綠荒臺
落日弔燕丹心懸故國千山遠夢繞高堂白髮寒立馬邊關
定回首南飛無雁尺書難

馬宣詔

字浣秋石門諸生
著南屏書屋詩鈔

縣志宣詔聰慧多才工詩賦
咸豐庚申襄辦團防以勞卒

縹雲石歌用韓昌黎石鼓歌韻
并序

昔吳將軍六奇未達時游浙西傲衣行風雪中與查
伊璜孝廉遇識爲非常人贈資俾圖進取吳旋以軍
功顯提督廣東遣使迎孝廉入署署有英石長二丈
玲瓏甚孝廉愛之題曰縹雲吳遣力士載送來浙孝
廉歸闕百可園立石其中後入桐谿馬氏邑人蔡笑
拈廣文得之置城北千乘禪院撫今追昔爰爲作歌
于是廣文墓有宿草矣

向聞海昌縹雲石

國初名流題詠多我亦夙抱米顛癖欲往訪之常蹉跎洛陽
學博興高雅去年相約招提過爲有古物足鑒賞非兌之弓
和之戈岫雲一朵作墨色懸黎結綠堪同科峰如龍擎聳天
矯洞任蟻穿行委蛇玲瓏初不藉雕刻光澤何曾經切磋云

此卽是海昌物先時來從珠江沱延陵將軍昔鐵句曾於查
氏霑餘波旋開軍府粵嶺表門列熊虎排鸛鷺遣使敦請故
人駕隆禮卑詞非媿嬰將圖所報問所好一拳之外餘無他
遂飭麾下亟捆載遠踰高山浮長河行陸重若舁鼃屨渡水
危欲驚蛟鼉齎來位置圖百可品題兩字工鐫磨珍重奚啻
拱璧似直同金屋藏青娥百年林荒池亦涸眠看歲月流如
梭惟賸此石巍然峙其傍已早生喬柯輾轉徙入扶風家小
桐谿畔資吟哦豪門亦復傷零落依然荊棘埋銅駝風銷雨
蝕塊獨處苔紋斑駁蟠蚪蚪譬如高士性耿介物色無人遭
輻軻石也盛衰飽閱歷能言應亦喚奈何今得長揖爲丈賀
一語慰藉三摩挲當世豈乏好古人山谷非不勤搜羅愛之
未克處之善作計終嫌多謬訛兵燹難免歷劫壞反更不如

棲巖阿茲乃攜汝託方外世守永教諸禪和清池一規特開
濬中央植立無偏頗鎮寺儘援玉帶例敢爲石詠居有那因
緣遂從香火結保護定邀神靈呵巧偷豪奪總無慮天中山
畔長嗟峨惜哉中郎不可作重來撫石徒悲歌

孫

燮

字呂揚號愈愚烏程貢生著愈愚集

縣志燮無意進取肆力於詩古文辭尤好接引後進其子弟多以文學名於時

循吏篇爲張明府

吉安

作

國家求治本端在良有司一人勤撫字百里免阡危能吏治
以法去後民弗思循吏治以心突禩民懷之嘉慶庚申歲蛟
起浙江湄張公泄永康水勢突如來決隄壞廬舍岌岌城欲
頽公命具舟楫登城立指揮生者拯其命死者瘞其屍凍者
煨以火飢者哺以糜水退視四野蕩然無町畦此疆與彼界

公爲定厥基招徠復故業不使民流離非公善安集一邑爲
蒿萊至今銅山下安得有遺黎公旋移麗水適逢雨愆期竭
誠致禳禱天心允鑒茲最後治餘杭南湖多淤泥公曰此湖
塞鄰郡多水災疲民未可動又慮帑藏虧創爲燒輒法埏埴
陶人資日取湖中土土去民不知此法若施行利非在一時
會公解官去事竟未及施公勤于治事寒暑不告疲縣令一
身瘠縣民萬家肥厯任凡七邑竟以勞疾歸道光之九載公
疾不可治訃至浙水上浙民涕漣洏僉曰我公賢堪爲作吏
師請祀入名宦盛典揚光輝縣令告大吏大吏達

彤墀

天子咨禮官禮官奏曰宜擇吉迎栗主萬口歡聲隨人言作
吏難無奈氓蚩蚩豈知氓雖愚亦自辨是非人心未嘗死俗

吏不可爲我作循吏篇用爲邑宰規

吳烈婦詩

有序

烈婦吾邑國學生沈鍾璜女年二十一歸震澤吳榕
三歲夫死婦欲自盡父母遣媼守之婦卽強食佯爲
痛定者媼漸懈終七後數日給媼禮佛僧寺遂闔戶
自經死于匭側得一紙書曰婦有夫弟奉晨昏夫無
遺孤藉撫養不死何待余重其人詩以寫之

女貞青青鬼車叫生者悲酸死者笑天驚石破精衛飛白蜺
嬰莈燐火曜延陵有婦性貞烈三載結褵夫永訣下無黃口
雛撫孤安可得高堂奉母有叔在更無遺憾縈胃臆一十八
字抒心肝定案千秋如鑄鐵臨危授命古所難正氣于今在
巾幗吁嗟乎去來生死早分明平常痛定心佯盲倉皇片紙

血淚盈白日慘澹歸玉京

方貞女詩

前年震澤沈貞女我聞作歌示來許今年貞女潯之湄十里
雙節相追隨女年廿一姓方氏父名曰郁鬢序士早年喪母
依繼母愛敬無虧等毛裏繼母沈疴泣刲股孝女名先播閭
里許嫁彭城本望族夫子儒生名邦禮問名爭說信良緣親
迎有期夫忽死女聞訃至誓無生白髮酸辛痛爲止在家從
父禮有徵處女殉夫非經旨女曰殉夫未免嫌守貞不嫁夫
何嘗長齋繡佛懺夙因閱歷百年旦暮耳泉臺有路早相期
免使親心憂未已夫族聞知歎且驚明哲幽貞乃如此便好
迎來門戶支親奉烝嘗撫嗣子素帷六尺遮婦車娶得新人
配新鬼吁嗟乎翻雲覆雨世道窮朝爲膠漆暮斷蓬兩閒正

氣鬱不洩勁草天寒戰疾風

陳經字辛彝號抱之歸安人候選主簿著雪南唱和集

墨林今話抱之酷嗜金石家藏三代尊彝及秦漢以下古錢私印古輒極多所居魚計亭為鄉前輩鄭子餘讀書處竹垞題額尚存君葺而新之更闢一室曰求古精舍二三博雅之士日相過從成金石圖一書儀徵相國亟加歎賞生平嗜學出天性鑒別既精隸書大進傷涉花卉墨竹皆有古趣中歲家貧入賞為主簿非其志也

棲賢探梅

憶昔看花游西谿屢喚渡春波始綠時
振舸重沿溯繁香壓低蓬已覺愜心素
入山迷遠近窈窕香篆路花氣隔峰雲
嵐光都在樹高下徧林岫一白斂霏霧
翠禽時驚唳尋聲不知處乘興倒金尊
逢花且覓句此花無俗態不著纖塵污
莫教惜落英再向花閒步

飼蠶行

女桑吐葉圓於錢
邨舍餽筍當楣縣
小姑一月不梳洗
昨夜已過蠶三眠
雪繭成堆滿山笠
闔家歡喜勤采拾
繰車軋軋響未停
縣吏打門索租急

廝筍謠

紅襟海燕定巢來
戢戢鹿頭穿碧苔
滿林粉籜新香膩
繞徑一夕喧春雷
山翁曉起廝煙雨
擘玉灑鹽蒸作脯
終年衣食竹有秋
日向谿頭候茶買

白公祠

燕寢清香五字詩
高情白傅繼當時
不將州宅誇鄰郡
真有文章替左司
山寺語鶯清管急
洞庭揀橘畫船遲
登堂未敢畱題句
恐被君家老嫗嗤

萊陽二姜先生祠

擊姦忠諫兩遺臣亂後吳趨其隱淪故國君親紛涕淚天涯
兄弟各風塵二先生之兄圻魯監國時知象山縣後歸萊陽卒夢依謝朓城邊戍魂
傷要離冢畔鄰今日宮牆瞻氣象東萊光岳尙嶙峋

林鍾岳

字崧生鄞貢生官臨安訓導

董沛曰君祖廷鼇嘗以千金修校士館兵燹圯毀君承先志出巨資復之人稱其義

詠漁父

頻年蹤迹侶魚鰕雲水蒼茫便是家紅蓼丹楓新畫本綠蕩
青蘋舊生涯暗催短鬢秋風早煖入酡顏夕照斜莫笑孤鐙
潭影落桃源應許到仙槎

秦淦

字聖謨號少湖慈谿諸生著琴月樓詩鈔

卽景

捲簾樓上坐鎮日雨絲絲芳草碧無際桃花紅可憐看山如

讀書閉戶當逃禪似惜春將去流鶯語更圓

九日感懷

登高有約負同游簾捲西風獨倚樓一角青山銜落照半林
紅葉送殘秋題詩祇恨無傳句思酒還堪與婦謀欲就菊花
懷舊雨好從江上泛扁舟

周原

號月樵長發元孫山陰諸生著退藏室詩藁

即鶴徵序略君性風雅喜讀書工書畫每酒闌鐙炮相與論古今得失靜穆之概時在心目孝友性情文章風誼若君者何短折耶

宗稷辰跋略道光初月樵方學詩每見其出筆有清逸之氣以為當繼蘭坡學士祖風不意君之早卒也遺詩卓然雅健直造古作者之室僅此百篇大可歎惜已

夏日同人集曲池卽席贈梁植園保侯昆季

結夏古有法避暑今無方飄然來故人握手羣相商擬尋清

涼境快滌蕪穢腸座中有佳士振衣殊慨慷招我曲池去大
開平泉堂高軒因樹闢長筵臨風張一池飲綠淨萬葉交鮮
芳未曾及絃酌相與探縹緗家傳有墨寶相國書堂皇撫卷
得古味披襟聞幽香須臾列精饌紅玉傾瓊漿詩腸不許渴
兀兀澆千觴拇戰興未已片雲遮晴光忽聞蕉葉喧大扇隨
風颺灑空一陣雨萬竹敲琳琅酒酣神已倦雨霽天微黃夕
陽隱屋角新綠生池塘此游本不易此樂殊未央吟秋老詞
客賦詩催和章我才本薄劣嘉會聊徜徉主人問爲誰公子
城南梁

春晚同人放舟至小雲棲

讀書退藏室眼倦昏欲墮折簡邀故人同放鏡湖舸出郭睂
宇清見山如見我一鏡新雨收千髻溼雲裏其時春夏交到

門萬綠鎖山僧不出山隨意進茶果閒房小於舟四面列霜
筇松古疏翠寒藤老細紅鞞新荷初出水風葉亦婀娜平生
高曠心迹不染塵堞考訂及金石清談雜碎瑣粥飯隨所宜
去住無不可坡公承天寺晚晴雲色卯風流七百載雅游今
亦頗可惜新月光夜黑急轉柁水聲出堰船星影隔邨火到
家已初更題詩竹窗左回視讀書處瓶花開一朵

秋夜陡齋歸舟作

十旬牽俗累今夕足清娛孤月水中墮纖雲空際無鷗飛幾
點雪浪碎一湖珠試乞容臺筆冰綃爲補圖

梅福寺

昔有逃名客徜徉鑑曲中神仙容爾傲姓氏許山同諫草畱
家傳孤星仰婦翁祠堂釣臺下對峙浙江東

謝公墅

南郡橫江日東山遁迹時煙蘿雙屐在風雅一家宜長日聽
絲竹中年感別離誰知霖雨手高臥只圍棋

戴逵宅

晉代畱遺宅相傳直到今飛來秋澗雪如聽碧山琴杳杳亂
峰曲蕭蕭修竹林扁舟欲相訪悵望水雲深

一曲亭

此客真狂客飄然竟挂冠湖山四時好風月一亭寬酒醉尋
詩艇花開種藥欄應憐釣魚者寂寞老方干

讀東坡先生集

草堂夜風雨肅肅聞霜鐘殘鐙翳欲滅古壁銜微紅偶攜一
卷書展讀未及終行閒發光怪寶氣矜雙瞳先生宰相才器

大難爲容半生任磨蝕萬古開鴻濛神仙一枝筆鬱律蟠蛟
龍發爲奇秀句豈獨驚愚蒙縱橫氣自結瘦硬神能通至今
七百載寒芒射長虹大雅如可作吾其師文忠

省園看荷

林亭竹木總清娛尊榼招邀興不孤儘許碧筒狂吸玉待看
白雨亂跳珠地原東郭聯吟社客是西園雅集圖忽憶去年
歌舫竝故人褰屐醉明湖

題七巧圖

直道久不作七巧今補圖圖中何所有一一垂形模法物備
圭璧古器堆盤盂牀几刀劍尺鐘磬琴瑟竽飛翔受風燕潑
刺上水魚玲瓏及蓮藕瑣屑兼巾裾三百六十種種種精神
俱牙牌數用七大小存廉隅匠心出變化妙手空追摹迴文

勝織錦絕技誇聯珠但取意態活肯受形迹拘我聞聖人世
韜鐸循康衢其器則玉帛其文有典謨後來尙奇異勦獲矜
步趨豈能益智慧徒然勞居諸心游業已墮外巧內實愚會
當付一炬燒比秦王書

上巳同人集省園

鶴石平泉館鶯花上巳天客來雙屐雨春釀一庭煙畫意憑
闌得棋聲隔院傳行廚足櫻筍珍重主人賢
才子紅絲硯仙人碧玉簫勝游宜跌宕暇日且逍遙樹抱玲
瓏閣波通宛轉橋此閒來往熟不待鷺鷥招

游寶巖寺

雲門開六寺第一此禪林杳杳碧谿水蒼蒼修竹陰殘碑秋
蘚古涼雨佛鎧深坐覺塵喧隔空山長道心

南鎮二月竹枝詞五首

春煙淡淡春雲流春鶯催作春山游
郎騎款段青驄馬妾倚彎環黃竹兜

大姑前行後小姑蒼苔滑滑不須扶
東風二月半晴雨一路竹陰嘯鷓鴣

前山高高煙翠重進香更上香鑪峰
南鎮寺前乍相別青林院裏又相逢

山街半里竹簷斜幾處青帘認酒家
紅日未西歸緩緩松陰小住買蘭花

平湖一棹水生香笑語迴船共舉觴
寂寞夏王祠宇在年年風雨鎖梅梁

秋夜作

林深秋氣多閒房更寥寂露重蕉葉偏清響時一滴料得小樓西溟濛桂花溼

秋水次竹垞翁

一棹秋江水西風載酒歸來尋黃葉渡漫掩白雲扉趣合閒鷗其情知熱客稀何人吹竹笛到處浣羅衣潮落江郎浦煙消太白磯鷺拳紅蓼晚雁印碧潭微似我澄懷澹憑誰逸興飛味思蓴菜雋釣羨鱖魚肥葭露蒼如許春波綠已非長天吹匹練織上九張機

送球樵表弟計偕入都

健筆凌霄漢長風破雪濤關河三輔遠裘馬五陵豪客路霜華重才名劍氣高待看新柳色吹綠上宮袍

太白樓

萬古詩名百尺樓層欄高護碧雲秋襟懷朗似天邊月蹤迹
閒如海上鷗只許杜陵同把臂不逢謝朓肯低頭天津橋畔
畱題處爭說青蓮舊日遊

赤壁圖

一幅游仙舊畫圖此中幽賞儘堪娛古今大有英雄在山水
應教翰墨扶東去波浪翻浩蕩南飛鶴影寫清臞笑他橫槊
高吟者曾得危崖半壁無

題黃笑山孝廉長安夜話圖

一圖紅雪寄相思重憶年年夜話時話到關心愁轉劇算來
只有老楸知

天涯知己共前盟說鬼談元總有情如此清風如此月諒無
一語及公卿

三閒古屋閉煙蘿舊雨天涯樂事多多少少長安貴游客醉圍
紅袖聽笙歌

去歲秋風興不孤故人一月住西湖清談夜夜燒紅燭并欲
煩君爲補圖

呈教授張梅峴先生

壽母九旬官七品藏書萬卷屋三閒軟紅十丈東華路何似
高齋一味閒

夢落青谿舊板橋前游回首總魂消何當翦燭西窗下手握

松枝話六朝

先生曾由庶常
散館出宰金陵

吾廬添種紫微一本

帶雨攜來肯受塵碧枝瘦幹總精神霞痕璀璨都含紫風信
吹噓不藉春此地偶然供笑詠他年或許掌絲綸涼堂月上

聞清漏相對黃昏憶可人

栽竹室東偏得雨而活喜賦

陡覺清風到枕來忽教鸞尾傍軒栽數竿已入文同畫三徑
行看蔣詡開惜少佳人扶翠袖更須老伴補紅梅明年二月
春雷動準備龍孫迸砌苔

催妝詩爲陳生作

玉樹枝開竝蒂花朱陳門第本清華飲醇我是周公瑾要醉
飛瓊五色霞

金橘芙蓉滿院幽美人心性本溫柔諒無拄杖河東吼來壓
元龍百尺樓

王錫齡

號菊泉
嶼諸生

題商孝子世林廬墓

麻衣血淚有乾時月苦風淒祇自知三載思親親不見墓門
荒草自離離

方

絜

字矩平號治庵黃巖人著石我齋詩藁

縣志絜工詩善畫尤精刻竹簡客游禾中折節讀書文名籍甚

于源曰治庵工詩善畫最喜寫石所作石交圖無慮數十幅尤工刻竹能于臂閣上刻人小影須眉逼真膠城竹人傳中無此技也

送姚梅伯歸甬上

湖海同爲客相逢各愛才論交懷管鮑作賦羨鄒枚江樹連
天遠蘭舟帶雨開滔滔此流水送客幾時回

題探梅圖

一徑衝寒去高吟興自賒荒雲籠樹遠流水抱山斜隔浦猶
疑雪穿林始見花飄然塵外客踏徧好煙霞

歲暮感懷

朋輩皆辭去蕭齋更寂寥歸心流水急鄉思暮雲遙月落潮
生浦春回斗轉杓此時雙白髮想亦望歸橈

項傳梅

字茗垞瑞安人著耕讀亭詩鈔

張振夔序略茗垞遺興有云讀書不服官作詩不求名是能自安於耕讀者故其詩清整峻潔無意求工而品格自

遣懷

把酒雖云樂博簊強爲歡夙好不在此終非心所安近市不
射利學仙不鍊丹作詩不求名讀書不服官飄然繩檢外彌
覺身世寬

水仙庵詠落葉

霜氣連天午夜風仙庵落葉任西東人悲綺樹餘殘綠雁啄

林花賸碎紅一帶夕陽鴉背外半牀清夢雨聲中如今莫說飄零事顧我生涯類轉蓬

秋菊

平皋時落木園菊獨芳菲佳色媚清節好懷來白衣詩尋香外趣人悟淡中機正在滋榮日須知采掇稀

北湖

不成聚落兩三家近郭煙波石徑斜落日湖心風漸定蜻蛉飛上水藻花

林啟亨

字禮門樂清巖貢著燕石山房吟草

縣志啟亨端方嚴毅少從永嘉胡象川游博通經史後又學詩於同邑翁稚川詩益進道光初瑞安鮑作雨主修邑志亨與作雨持論齟齬作邑志後議三卷以辨正之中年主講席以經訓教授鄉里晚年尤好學終日坐小齋網羅邑中文獻凡鄉先輩詩文集未刻者皆手鈔之

詠史

兼聽固能明獨斷事亦濟祇宜審其機毋爲守迂滯皇儲旣
無祿帝業於焉繫長君社稷福帝心宜斷制英武如燕王屬
意絕拘忌乃愼詢羣工意旨希調劑苟有劉三吾迂執拘常
例抗言太孫承嫡統禮宜繼旣無知人明又昧國家計無惑
高皇聞大哭涕沾袂明知事必償何以克永世惜哉泥古儒
釀成篡敗勢築室與道謀所事多傾墜所以古大臣達權覘
英異

江心寺秋晚

誰闢中流地孤峰海上來江聲風雨急山色畫圖開帆挂扁
舟月春催隔岸梅不須渡弱水我已到蓬萊

中秋同鄭甌山賞月分韻得寒字

清光萬里逼人寒
盡道良宵得月難
竹柏陰中霜滿地
樓臺高處客憑闌
金風漸漸翻書幘
銀漢微微互翠巒
多少輪蹄閒不得
有誰吟賞舉杯看

九日遊玉甌峰

殘虹一道背斜輝
咫尺瓊樓與俗違
落日萬山秋欲暝
高峰九日雁初飛
松濤夜撼維摩室
風露涼霑薜荔衣
到曉不辭歌幾闕
海天空闊白雲歸

都桀森

字樹屏號子秀南海南人道光癸卯舉人官江蘇儀徵知縣在任列難卹贈知府銜

許莊祥曰子秀大令宰儀徵著循聲咸豐三年寇犯江南江甯揚鎮相繼淪陷儀徵當其衝寇大至大令率練勇登陣固守一日開城赴敵爲士卒先寇廣集被圍中死先是湯雨生都督貽汾官樂清副將賞其才以女妻之是年湯亦殉難金陵論者謂冰玉同烈並世罕見云

眞州誌感十首

錄四

日督修隍夜枕戈飛揚獨唱大風歌惜無猛士同肝膽空有
豪情任折磨塵世本來青眼少宦途畢竟負心多小臣一片
清如水爭上彈章可柰何

杞憂徒切倍忉忉國步顛危敢告勞無米之炊難巧婦此仇
不共賴同袍迴腸終日成千結華鬢於今見二毛大事如棋
難屢錯莫分黑白但喧嘈

紛紜時事最難防地處衝繁勢倍常昨夜風偏今夜雨南山
羅反北山張軍如兒戲徒多口民盡訛言別有腸門戶綢繆
原未豫曷禁中夜起徬徨

無端蜚語暗中侵嫉惡而今悔太深白簡不爲文士辱黃金
難滿小人心士元畢竟騰讒口彭澤何曾遇賞音況我頻年
求治譜愧無膏澤及蒼黔

蔣賜勳

字仲卿海甯人道光癸卯舉人著撰翠山房詩草

許莊祥曰仲卿先生性穎異好讀書晚遭兵亂一貧如洗銜孟賦詩晏如也愛誦鄉先輩初白先生詩故所爲頗得其神似惜稟多散佚先生猶子學堅按輯得二百餘首未爲全豹也

青蘿池歌

青蘿池水流湯湯石梁橫亘池中央土花百年猶凝血感懷往事增悲傷憶昔有明鼎初革萑苻盜起如蜂狂不據城池掠鄉鎮蚩尤霧湧迷荒荒是時周公憤所切慨然倡義添關廂本意一方作捍禦當車何敢撐螳螂由來神器必有主萬年圖籙歸

興王戎衣一著天下定重見雲日開晶光公豈不知天人意但受故國恩難忘殺身報主敢自惜要與萬古扶綱常鐵稜關前烽燧列走馬堂上旌旂颺以茲區區彈丸地自問難與

天兵當長驅誓死決一戰英氣勃勃虬髯張士卒紛紜等瓦
解風雲慘淡天蒼涼壯士臨危無旋踵彩霞橋下身先亡居
人竄逐塞街巷舉家間變成蒼皇衣帶相結赴池死臧獲婢
妾咸分行一時就義人六八卓立波閒死不僵聞死於池者皆立而不仆
忠魂義魄得所聚至今此水畱餘香聞昔天陰風雨夜恍惚
白馬隨女郎有時釵釧或浮出拾之往往羅災殃聞周氏亡後每陰雨
夜有一女捧盤出一白馬隨其後又常有釵釧浮水面見之者多凶
公豈忍爲凡民崇此說無乃鄰荒唐名垂竹帛公無意苦心激發淚浪浪長歌一曲爲
公弔魂兮彷彿來故鄉

張烈女詩

維蘭薰其質維鐵石其腸捐軀勇赴義允宜爲表彰邑東張
烈女聚族居轉塘少小嫻禮訓婉婉而端莊年華將及笄待

彼鳳求凰有考亭後裔家亦隸海昌勤儉謀生計作客長水
鄉嫺雖聯九載婚未卜三商戊申月在子一病入膏肓月圓
人不圓奄忽殂歸航女聞凶耗來雙淚閣汪汪依然理杼軸
愁苦鬱中藏越耶死兩日蟾魄未升光阿母方假寐痛女失
鴛鴦忽訝機聲斷猶疑息在牀攬衣復秉燭起視駭空房夙
昔非大故晝不踰中堂得毋鄰女約消寒聚綠窗求之竟不
得行蹤費推詳柴門鄰水次簪珥委其旁大呼兒安在兒死
太倉皇從茲一水閒飛鳥永不雙或言女未嫁忍死亦何妨
徒勞老母心毋乃輕自戕誰歟爲此說迂闊誠荒唐從一往
訓垂矧已所天亡貽親以令名至禍實至祥人生當致命立
志貴堅剛一念涉游移萬死莫能償俗儒鮮通論焉知爲綱
常清河多節孝前此陳與楊女也際其難得失辨毫芒良由

天性厚祇知義所當聞之肝腸斷言之齒頰香惟願采風使
貞珉予褒揚徽徽永勿諼滄海其流長

嚴

炳

字星巖秀水人
道光癸卯舉人

府志炳少孤經書皆母氏指授古文宗桐城兼精書畫
爲人和而介杜門授徒不與外事賊氛戒嚴遂以身殉
于寶森庠生同死
于難忠義錄有傳

徐太僕祠觀舞蛟石

西風吹我東城陌太僕遺祠拜奇石祠貌蒼涼二百年石勢
嶙峋三十尺忠誠自古石可貫摩挲髣髴憶疇昔隨州城門
朝不開天狗晝墮轟霹靂飢蛟奮鬣拔劍舞十萬貔貅皆辟
易賀蘭不救睢陽戾埋血千年土花碧國史自書宋星隕神
物豈受秦鞭斥卽今怒爪如拏雲半裂蒼藤沈鐵色太華峩
巋忽在眼陰洞還防巨靈擘李唐人代幾滄桑吳興翰墨成

遺迹惟公大節驚頑愚此石倍增人愛惜桂旗風滿雲車迴
公歸來乎日之夕蒼茫似有神靈護咫尺真愁雷雨黑洞庭
瀟湘非久居長斂星芒衛神宅

陳景高

字筠珊號雲山海鹽人道光癸卯舉人著綠蕉館詩鈔四卷

縣志景高少孤家貧母倪教之讀有畫荻之風穎悟特甚流覽書史一目十行舉道光丁酉拔萃科旋登賢書年未四十卒士論惜之

出都

朔風密雪伴行人客裏逢春又送春此去好乘新綠水半年
無奈輓紅塵漢南愁繞桓溫柳吳下情牽張翰莼商略平生
復何事秦谿谿畔試投綸

九日偕曹柳橋茂才

補

吳山登高卽贈

不盡登臨興吳山秋氣深江湖畱客夢風雨改詩心落葉浩

無際閒雲許共尋兼葭休遠溯把袂快同岑

王大經

字夢蓮又號曉蓮平湖人道光癸卯舉人官至

縣志大經以優貢領鄉薦揀發安徽時巡撫駐軍廬州
聘襄戎幕章奏文檄多出其手累功擢江安糧道以治
行優異自湖北按察使晉布政使鄂本齊區自胡文忠
為巡撫軍實取之鹽課釐金迨鄂平而天下多故遂用
以協黔省餉西師加以晉饑告振羽書絡釋大經悉心
籌畫時其緩急以調劑之終任協濟無缺而庫藏反溢
巨萬尋乞病歸創建宗祠置田千畝為義莊
俞樾序略君童時其父挈之游陸清獻公祠為備言清
獻之為人即慨然有私淑意及壯從方子春先生游得
為學門徑一以朱子為宗作學術辨二篇粹然儒者之
言已而仕為縣令值寇變崎嶇戎馬閒積功至方伯退
食之暇菲衣惡食靜坐一室仍與老儒無異至其處事
之精審持論之名通如論兵論漕論河渠皆非紙上空
談

郡城寓舍方先生以詩畱別次韻奉呈

春風轉清和禪房暖芳草謝客深閉門鑪香愜幽抱我師惠

然來執經許探討依依十日居扁舟去何早時雨沾新莖蒲
柳亦鮮好申以瓊琚詞階之入大道少年能幾時寸陰信堪
寶勛哉藥石良索居慎自考

順河

客館歇征轡夕陽帘外晴數家團小市一水瞰孤城枕上思
親淚燈前感舊情依依不成夢惆悵又雞鳴

之官皖省畱別都下諸公

漫道神仙在眼前瓊林未許列羣仙潘郎只合花爲縣陶令
徒求秫作田一勺聊資清苦井十年枉泛孝廉船從今分向
風塵老半截功名愧昔賢

孫徵君謂舉人出仕爲半截功名

在山泉水早含清莫道書生太近名法去煩苛千室靜心無
嗜好一官輕衣租食稅非吾事錯節盤根勵此生他日淮南

徵治行願從廉吏聽輿評

鼙鼓連江戰血斑風聲已近八公山

聞賊由鳳陽上竄

東南民力征

輸困百萬軍需饋運艱封內豺狼橫路滿澤中鴻雁幾時還
裹尸馬革尋常事要爲蒼生起瘡痍

天邊無路泛靈槎重負諸公拂拭加應世文章藏故篋思親
涕淚墜清笳關河戰伐身難隱風雨輪蹄鬢易華輦下一樽
傷遠宦離懷浩渺燭光斜

和張豫齋徵士

毓達

人日用高常侍寄杜工部詩韻見

懷之作

年年首祚趨公堂抗塵未得歸故鄉今年里門對春榼雪花
飛舞歡中腸朝家憂樂兩無豫民不力田良可慮春前三白
占豐年此是天心仁愛處君年八十逢新春詩如雪淨無纖

塵何時樽酒花閒集雅會還如洛社人

高三祝

字藏庵平湖人一謬弟道光癸卯舉人著西笑齋詩集

縣志三祝好學不倦著有春秋職官表嘉興沈維鏞序之

梅花庵

阿瑛固佳士老鐵亦狂簡鼎足吳越閒仲圭庶其選生或誦道經死更參釋典皈依在二氏終始梅花伴復可見天心手持易一卷拾橡希高蹤刻竹畱遺篆躑躅墓旁碑一龕映蒼

鮮

姚覲元

字彥侍歸安人道光癸卯舉人官至廣東布政使著大疊山房詩存

緝雅堂詩話彥侍文與余先世有交能承家學不媿祖德所刻咫進齋叢書歿前尚以寄余并及湖州詩事未幾竟返道山許星臺丈武林耆英詩冊中存古近體數首亟以登錄秋夜古柏二章殊有身世之感

秋夜

敬枕不成寐但覺秋夜長商飆設然至簟席生微涼啟戶萬
慮寂高樹聲鏘鏘白露下眾草幽幽發暗香流螢喜月黑熠
熠弄孤光蟋蟀汝何悲哀鳴在東牆兒童躡蹤至篝火伺其
旁報汝慎勿鳴一鳴汝身殃

甲申人日大雪次坡公聚星堂韻仍用禁體

寒梅已花柳將葉自冬徂春未雨雪曉來忽見景模胡開門
大叫真奇絕孤松特立頭已皤老竹天斜腰欲折茫茫大地
浩無垠但見飛鳥起復滅山中高士臥正堅寒粟生肌襟屢
掣黨家羊酒肆歡呼翠袖紅鑪眼光纈少年豪氣凌雲霄削
竹操觚意不屑且驅狐兔獵平原鷹隼出空驚一瞥人生樂
事各有在富貴窮通那用說草堂詩就且傾觴醉眠不覺衾
如鐵

三月八日徐輔廷觀察招飲蠶神廟西園

爲赴高人約來遊小苑西柔桑茁新葉百草迸春泥池上飛燕樹巔五母雞雨餘應有月漫惜夕陽低

邯鄲題壁

神山富貴兩無緣彈指光陰四十年眞亦懶爲何況夢人能
不朽莫須仙中原鼓角悲多故鄉里烽煙信渺然憂國憂家
無限恨夜深都到枕頭邊

古柏

古柏鬱蒼蒼歲寒挺孤節幸未作棟梁不然亦摧折

老榕

千霄蔽日全無用只有濃陰消夏宜卻笑城西貝多樹被人

錯喚作同枝

光孝寺六祖手植菩提樹
尙存其根株與榕絕相似

紫薇

紫薇曾記舊分曹坐伴黃昏媿鳳毛

先公由舍人
大魁天下

今日嶺南

親手種枝條雖穉氣凌霄

余種紫薇十
二樹於庭

芭蕉

赤繖行空夏日炎綠陰如幄蔭茅檐分明懷素庵中景還有
香牙似蜜甜

趙炳麟

字吟蕉歸安人道光癸卯舉人署江蘇常鎮通海兵備道著退思齋詩鈔

讀竹生姪四律次韻

錄一

歷盡三年血危城獨力支孤忠誰得似公義不能辭狂寇環
攻地飢軍困守時一呼猶振臂苦節萬人知

王

誠

字存之號松齋武康人道光癸卯舉人著松齋詩鈔

府志誠涉獵典故勤於校錄欲為湖州詩錄補小傳
未成而接採之功甚深為人篤實醇謹人愈重之

陳兆熊序略松齋夫子著述甚富精華萃於隨筆悉付劫灰聞章給諫耀廷尚藏詩詞叢彙茲刻用手寫本不敢增損從師志也

許士奇曰外舅松齋先生品端學粹博通經史詩古文辭靡不工家貧授徒及門甚眾

吳貞女詩并序

貞女歸安人幼孤待年于章姑張與鄰吳五通并欲亂女女不從被絞死邑令王公不顯廉得之時大暑越五日面如生五與張皆論如律道光丁未事也

王睢在河洲不與野鳥羣女貞生山中不與惡木鄰妾身分明爲君婦縞雖未結并已久此身肯入他人手調羹廚下妾有姑妾從姑妾無夫偷息草閒可不死妾惜死妾無恥胡繩纏纏丈二強綱常不絕甘絕吭冰魂騰出寒三光西吳六月天飛霜停屍五日屍生香吁嗟乎柏舟之義知者幾奇節乃

出窮檐裏

沈孝子詩

并序

孝子名應科德清縣松雪里人父炯文乾隆中以事
連染遣戍陝西之渭南卒于戍所越十年應科長矣
齎本縣牒徒步往求父屍則其柩已瘞葬葬平原無
可尋覓號痛不已一牧牛人過而問焉告以故其人
曰吾知之吾已忘之汝可問荷鍤者張世凝因遙指
張居處入門則張已病亟哭拜叩牀下張氣息僅續
瞠目曰吁吾幾忘之矣汝父瘞處吾埋三巨石于上
若品字然亟尋勿失言訖卽逝應科哭拜出徧尋者
又兩日至一所有石微露搢之果得三石再搢則棺
見焉木已朽矣炯文少時當脣墮一齒驗之宛然復

齧指滴血血沁入遂負骨徒步以歸里中人皆稱孝
子云事見邑人徐晦堂雜著晦堂名承烈字紹家德
清諸生所著有燕居瑣語十六卷

清渭南頭一抔土苔花暈骨斑紋古年年寒食棠梨開一盂
麥飯澆何所嗟哉沈孝子日夜慟不止父死骨未歸有生不
如死芒屨不韠徑出門肝腸慘澹愁雲昏秦關渺渺望不見
但見太華戍削黃河渾朝望太華道仙掌三峰矗天表暮宿
黃河邊飛沙沒脰寒餵煙千氣萬息喘不得一朝得到渭水
側平原四望莽蕭瑟三寸桐棺復誰識仰天一慟來悲風精
誠倏與精靈通何物騎牛人得非五千道德元元公因公來
拜前村叟昔年荷鍤出渠手是時叟病危屬纊將不久忍死
須臾爲君剖語甫出口氣絕口徧搢荒冢飛黃埃果有三

品字堆痛哭捧觴體一齒呀然開滴血入骨骨欲活屬毛離
裏何奇哉君不見庾公能平灩澦堆蔡公能止鹿觸槐古來
孝感多奇蹟而況四千里外負骨重趼來鵞之山茗之水孝
子之孝有如是迄今六十年幽光發故紙惜哉
旌表未及此我欲作詩上

國史應科其名沈其氏

韓瓶歌

并序

韓瓶者崇二尺厚寸圍尺半直腹背微拗弇口旁有
雙耳其色黝然皋亭山人墾田得之及門俞生拱辰
購其一出以示余云是韓蘄王軍中盛酒器也考宋
史韓岳二傳皆有背鬼軍雲麓漫鈔曰燕北人名酒
瓶曰鬼按此則瓶卽韓兵所背其不曰岳而專屬之

韓者按建炎三年勦王討苗傅劉正彥之亂師駐臨平皋亭與臨平近故有是物歟

龍腹團而長鰓耳緻且雅綆縛背微坳善藏口不哆耕夫得之皋亭下其色黝然異缶瓦云是南宋軍中盛酒瓶賞鑑諸家知者寡有客書撐腸爲說韓勦王王有背嵬卒其鋒不可當苗劉爾何物乃敢騰凶鉗建炎號以明受易倒持神器傾天漿惟王手定勤王策申明大義與之敵當其酣戰時先以酣飲激九斗不醉醉一石耳風鼻火生霹靂酒龍衙衙空中擊一把雪勦王所用槍名摧萬支戟二兕授首旌元功君王手賜金蕉酒名高宗以賜勦王者濃投醪徧飲凱歸士官印百道開黃封繡袍解下香風溢背嵬之嵬卽此物至今七百有二年自宋高宗建炎三年己酉至我朝庚寅麴生乃逐耕犁出我聞此說心膽雄軍門臥道光十年庚寅

虎追英風功高羞勒養養鼎義激怒擲琉璃鍾臨平山與皋
亭通春來十里桃花紅一朝相遇村店中摩挲勳質光熊熊
騎驢湖上計尤穩更願與爾作瓶隱

銅山寺觀周忠毅公朱判

并序

周忠毅公之宰武康也德清有房輔者故侍御房震
後也僕房以高恃其主勢奪武康銅山寺遺址蟠踞
久之公廉得實斷歸寺并作朱判令寺僧藏之今尙
在敬觀賦此

有筆欲彈客奉聖有疏欲劾魏上公山城斗大姑小試乃有
草閒狐兔窟穴空王宮我公秉椽筆豔豔朱砂紅恢復神靈
宅埽除彫劫風其判五百九十字其址四千八百弓此判此
址移不得永與佛劫垂無窮公名垂萬古豈在書之工卽以

書論亦不同力透紙背光熊熊茄花委鬼見尙懾而況禿襟
小褻豪家童我今訪遺迹手持青玉筇直上三百尺不見銅
山銅但見寺中寶氣夜夜蟠丹虹

晉永興甄歌 并序

仁和望洛山人掘地得古冢冢有古甄無數或拾其
一以贈文曰永興二年太歲在丑吳家作凡十有一
字字作八分體甄質堅緻歌以紀之

史書重改元永興古有五

謂漢桓帝晉惠帝後趙石閔前秦苻堅北魏太宗也又北魏孝武帝

亦建元永興以與太宗同

卽于是月改永熙故不及二年歲在丑厥運丁典午此甄款

署永興作十有一字光錯落八分入妙書者誰得非河東之
衛敦煌索我聞晉惠時酷燄南風吹外有劉石跳梁之戎羯
內有趙齊尋斧之宗支銅駝宮外夜深泣應襍瓦甃堆階墀

哀哉雲閒陸兄弟同一哭達哉吳下張拂衣歸故鄉河橋駿
骨委沙礫何如蓴鱸一筴秋風香臨風因憶作顛者置身世
外全如瓦金墉門閉雞牝晨潛寐重泉百不聞黃腸題湊手
親製首邱誓老之江濱不然策足要路津蕩陰一戰戈鋌紛
棄尸野外風吹塵安得丁丁領甌螯此三尺墳吁嗟乎人生
出處知誰是一物亦足見天咫我寶此顛拱壁似繡質摩挲
閒青紫彼何人斯延陵子問名再考房喬史

訪蘭副使墓

并序

副使諱剛中字坦生崇禎辛未進士山東陵縣人累
官山西副使與蔡忠襄協守太原部將張雄降賊告
以火器所在賊遂焚東南樓角入城陷忠襄死之賊
欲降副使不從殺之首旣墮復躍起丈餘賊皆辟易

李白成懼殺張雄以謝之

二句見山東通志

先是忠襄調陽

和兵三千守東門副使慮其內應移之南關之外未幾果叛其識爲尤高焉事載明史蔡懋德傳墓在陵縣東蘭家莊後裔寥落道光乙巳沈台簪同年淮宰是邑欲立表修葺因偕余同訪云

太原城頭風怒號船窩一渡三晉搖疲兵三千不可守蟲沙化作秋蓬燒嗚呼藺副使千古人中豪猶憶拒賊時洗血裹戰袍夜半忽報降將出東南樓角飛赤嫖男兒一死眞易事恨不手將叛賊梟須臾縛見賊賊氣方怒驕誓銜溫序鬢不折周虢腰驚鵠光瑩秋水膏吾戴吾頭來飲刀墮地一躍一丈高闖兒辟易魂膽消謝公殺叛賊賊噤伏不逃是時三立祠勁節忠襄標應時盛趙立極毛文炳畢拱辰同日死四十

六人青史褒陽和一軍獨調出如公卓識尤稱超羽拜公

墓獨漉行荒郊

時方積潦

訪古拭碑碣披荒誅榛茅滲以平原祠

中之寶墨

縣有平原太守顏魯公祠

薦以厭次河上之谿毛

厭次河即後漢書獨行傳

所輔授命之地今陵縣神頭店是

馬鬣之封二尺耳英風耿耿疑有光騰霄

魏太和銅熨斗歌沈西雍太守所藏

當塗高高熨不平金銅仙人辭漢京化為翁仲魏宮守巧學

新莽抱威斗屈戌銅鋪鎖阿甄射死母鹿留子身狼顧忽來

受顧命汝叡安能更執柄君不見洛妃步後靈芸嘯鍼神夜

來方卷衣外閒已唱青頭雞

周紹濂

字質卿號廉泉鄞人道光癸卯舉人官江蘇金山知縣著一勺園詩存

徐時棟傳略紹濂少孤特館穀養大母及弟妹貧甚益自淬厲夜讀恆達旦署丹徒誅盜魁潛運河民以存活後署華亭歲大稔設粥廠活饑民數萬一日振荒村落值軍變扶辱守及婁令紹濂聞之急歸立收倡亂者即

道中斬之
一軍肅然

元權歌爲李西民作

西民有元皇慶元年慶元路總管府錄事司較勘銅權一枚權中其

得大小陰陽文二十三字曲
衢州山民於海岸掘得之

海上潮秋風來岸上花春風開春來秋去五百載元家故物
霾蒿萊有權斑剝苔花妍野老得之巨海邊迴環二十有三
字考工製自皇慶年慨想仁宗御宇時官家較勘初頒茲治
法積久每生弊重輕應愧平準施苔侵土蝕多古致摩訶祇
益滄桑淚長江萬里陵草青三生歷劫銅華翠我爲此權增
歎息波滔浪撼長掩匿世閒萬物盡如斯用舍行藏不可測

秋日登潤州鼓樓

秋色蒼茫裏登高眺望頻江山資偉抱風月屬閒身草沒平
岡路煙寒古渡津黃花開滿地寂寞少遊人

張慶璜

字米叔鄞人道光癸卯舉人官嘉興教諭著問吾齋詩草

寓剡源鄉

山靜鳥聲稀人家日掩扉風吹雲葉薄雨襍雪花飛醒睡呼
芳茗驚寒綴敝衣故園雖咫尺何日得旋歸

鐙

獨坐覺形單青鐙漏未闌十年曾伴讀五夜每驚寒照影鬢
初白敲棋花欲殘回頭思有味爲憶少時難

余勉翰

字韋廬象山人道光癸卯舉人著韋廬詩文存

陳得心撰行狀外王父幼而質鈍然苦志讀書寒暑無間弱冠即通十三經後以用心過度得咯血疾歸自京邸又有業師之器遂一慟而卒

昌國衛城懷古

勝朝曾此駐元戎舉首南田在眼中山海置防湯信國風雲

際遇蔣涇公屯糧果獲千鍾粟僉事誰彎兩石弓十八指揮

名氏杳夕陽閒話白頭翁

衛城相傳指揮使十有八人蒙考惟蔣涇國武勇公會爲衛指揮同

知見明史列傳四十三卷邑志略之不足據也

盧

燮

字君調號輔庭東陽人道光癸卯舉人著笠巖詩草

胡鳳丹曰先生晚年主講台西藍洲書院著三省質言被寇火僅遺鴟毀餘音一卷

紀寇警

封狼狂噬妖狐立頻歲煙塵障閩粵金陵割據三窟成浙東
安堵人不識今年戊午三月春練兵禦寇蘭江濬括蒼一郡
始受敵遂昌蒲城遙相鄰我時授徒美化里地屬緡雲東南
鄙去家非遙每憶家戎馬關山勞夢寐忽聞賊騎西南來鹽
梟句引水門開三月十七日磨牙吮血猛於虎殺人如麻城之隈
飛調官軍星火疾七千眾守桃花隘輦粟輸金兩縣人緡雲永康

欲仗長城保家室我亦歸練鄉里兵健足四出覘寇情一月

支持差可許過此未敢論輸贏誰知淋雨困我士不據山頭

據平地遂令半夜雲霧中推墜大石糜其壘四月初七夜主客互有殺傷而

官兵自守險失險更無險沙蟲猿鶴須臾變朝至縉雲如拉

此逃散枯四月初十日暮至永康若飛電四月十一日是日兼陷武義赤足經過村里墟

逆匪行路皆赤足掠取金帛搜山隅時近縣三四十里悉被搜掠軍師旅帥集豪

猾賊設酒米雞肉窮轉輪動索貢項累巨萬不惜物力難鎔

銖驅使木石築城堡拆毀房舍編乘桴俎豆詩書遭一劫委

棄藩溷無人識賊毀聖廟及各書院如鸛鵒鷖鰲鰲鰲魚安民偽示尙

高揭煽動狂愚遂騷然糾眾附賊起黃川長槍大礮五色旗

統領元帥稱奉天永邑黃川應法橋自稱奉天行化點兵起

境快報復六月初四縱聲言就食東陽穀莫赤匪烏黑匪狐

掠桐樹園

地鬼張膽道路目

時各村不逞者多附之以嚇眾

爲虺勿摧蛇若何兵弁袖

手韜干戈

時三嶺頭及下徐均有官兵屯札

强宗輸錢集義勇一呼萬眾如

星羅

剿滅黃川在六月初七時呂南宅起義各村蜂擁而來我興賢鄉亦集千餘人應之

山川草木盡

效順巨魁授首攫新刃

是日戮法橋及其子餘眾死者七八十人

駢誅黨惡火

其居鳥獸奔散無遺燼搜獲器械半已灰號衣摺疊紛成堆

大署顯天燕正字

賊之偽爵

眾怒難犯霆與雷賊騎聞之心膽懾

料知孤軍戰難接潛師夜遁幕有烏似借疾風埽秋葉劫燒

未停焦土區官兵收復爭前驅捷書露布邀功賞軍勞可有

涓埃無鄉閭仗義不遺力幸全桑梓安食息熊羆壯士亦移

營邱墓田園重生殖

從祖墓在下徐者爲官兵掘斷地脈

卽此已叨

聖主恩何必酬庸及元元但願妖氛埽盡寰宇謐餘黨革心

向化無煩言長戈利矛鑄農器無復風聲鶴唳狼豕奔

陳德純

字占一又字粹甫號壽峰永康人

胡鳳丹曰先生天資敏悟祖父訓督嚴性好學家貧出就外傳在余家塾讀書年十五三試皆冠軍爲羅羅村廖鉦夫吳姓船三學使所激賞甲辰會試卒於金華會館年二十三妻應氏守節奉

旨旌表建坊

陳鳳巢曰仙邑王授時手錄其節母禪祭五絕徵詩彙成一集顏以表節凡三十九人純年最幼而謝世又最早收錄遺詩不覺淚下

張節婦詩爲仙居諸生王授時祖母作

何年瑤池雪照見冰心結碧血血愈碧心愈潔括蒼有母挺勁節七載嬪王郎蟲夢杳斷絕吁嗟乎連理枝齊胡爲殘比翼鳥好胡爲單節母有夫夫早世夜臺寂寂天漫漫欲爾兮不能欲殉兮不得念賤妾兮誰依望黃泉兮路黑魂渺渺兮何歸夜黯黯兮無色思夫志兮未酬傷妾心兮曷極上有雙

雙白髮之翁姑下無膝前嬉戲之弱息無弱息兮誰承夫祀
念翁姑兮誰代夫職展轉思維不可禁淚痕和血漬曾臆是
淚是血雜如許撫得阿咸初學語糠燈一盞照丸熊幾丈蘭
絲織斷杼上絃別鶴驚下絃孤鸞鳴和淚題詩悲入骨節母有禪
祭先夫
子詩
哀哀訴盡平生情勵志冰霜清復清一片冰心一片
雪應是兩閒嚴凝正氣盤礴成長令千秋萬世同義貞心貞

鄭桂東

字湘舲一字薌林西安人道光癸卯舉人著得月樓詩一卷百花詠一卷

西安懷舊錄桂東以知縣分發江南家貧不能赴省教學閭里

梅花

淡絕不知月香多惟有煙斷橋少人迹孤幹得天全宋璟賦
誰託林逋家可憐彼姝閱塵世臨水惜芳年

陶良翰

字海琴號邵菴會稽人慶仍從弟道光癸卯順天舉人官福建興化知府著求放心齋詩鈔

家傳略公生平性孝慈輕財好義肆力經史并工楷法
在官多惠政尤好拔寒賤倡修書院士民咸戴清理泉
漳叛產所全尤眾

集句題篁谿漁隱圖

更欲高深訪隱淪

韓愈

芰荷香裏獨垂綸

來鵠

竹林載酒邀山簡

願瑛谷口耕田學子真

劉長卿

自喜軒窗無俗韻

朱子

共知城市有

閒人

許渾

谿邊物色堪圖畫

張泌

樵唱漁歌日日新

杜荀鶴

諸葛釗

原名壽燾字榴生蘭谿人道光癸卯優貢官仙居訓導

鄧鍾玉曰洪逆蹂躪東南各省皆以民團防堵浙中團練稱盛者有三生之目謂湖州趙竹生諸暨包立生蘭谿諸葛榴生也壬戌蘭

谿陷榴生以計獨得脫

重九感懷

誰送陶潛酒徒登王粲樓關山千里客風雨滿城紅葉催

人老黃花替我愁年年寄籬落何日買歸舟

病起感興

人道詩豪與酒豪問心我敢託風騷三年客路空懷劍一笑
屠門欲放刀願得拈花參正果悔曾食菜到邪蒿時有勸余持齋以養病者即今一病猶能起禪悅非關醉學逃故云

夏日石疊澗紀游

一徑窮山澗三生契石疊蟬聲新樹影鴻爪舊苔痕勝地鍾

靈氣吾人愧鈍根適來心欲洗無事倒芳樽澗在城北三里許

昔飲虎跑水閒評龍井茶即今泉活潑一樣氣清華啜茗春

風後尋源石徑斜與誰聯靜契同好癖煙霞泉從石罅湧出如沸味甘香即

北津第一流也

亭上孤松秀相傳落葉奇何來人嘯傲可對叟支離垂老心

猶勁鳴高俗不宜空山正濤起欲賦水漣漪澗有亭名落松

梅雨晴光乍松風來意徐雲泉畱古剎風物夢華胥性悅山
梁鳥身斑石澗魚何人此游釣清聽綠陰餘雲崑禪隱僧自
芬建一名雲泉

庵

鮑淦生

原名繩度字問梅錢
塘人著問梅詩鈔

寄心盒詩話余在東臺與問梅最相契
合問梅家西湖上翩翩書記不減樊川

苦寒行

大雪壓檐冰筋落老農單衣身上著手持斗米出門去猛虎
在前攬不住吁嗟猛虎無人腸不知此米完官糧里胥追呼
復如虎更有何米堪付汝歸來再典身上衣肌膚生粟誰人
知

南樵以詩見勛書此道謝

作客十寒暑少年誰復償有書貧早賣無父學都荒以子爲

良友相逢在異鄉
短鐙與促膝
味覺古人長

飢鷹

記否飽時颺
應教飢至今
用看偶出眾
恩久漸忘深
可免逐人態
那堪果腹心
殊姿何處見
惆悵倚空林

淮陰懷古

怕走淮陰道
平生不受恩
兩番迴客櫂
千古哭王孫
楚樹山彌望
綠波磯失痕
世風猶屬古
漂母一祠存

蔣勤培

字厚甫錢塘人官兵馬司吏目著霜角集

杭郡詩三輯厚甫幼穎悟喜吟詠居鄉不得志走京師筮仕得兵馬司吏目以事謫戍兩載遇赦得返里然以游經沙漠故所作愈激烈悲壯卒殉辛酉之劫

大風吹沙河行

朝發北平郭
飲馬沙河旁
大風生朔漠
驚沙浩茫茫
平郊石

亂走四野號枯楊駑駘不前僕御氣不揚努力趨小市卸
鞍據土牀肢體漸溫煖竈觚聞飯香強顏慰從者中心默自
傷明發行出關憑弔百戰場晝行逐健兒飢當飲酪漿那能
羅酒炙山蔥佐黃梁風塵未足苦飽食幸自強臥聽街柝起
風勢亦少降

出塞

出關門車搖搖雪花如席旋驚颿行邊幕府走相送紅旗獵
獵隨風飄此時欲去不得欲住不能但覺笳聲觸耳心如燒
況乃重巒疊嶂鬱鬱千雲霄江山故國遠隔千里萬里遙此
行不逢

寬大詔將與古來戰士同蓬蒿吁嗟乎我昔未及唐舉問祥
妖又不早辭簪笏歸漁樵無端投筆行荒要彎弓握槊出伍

紫髯碧眼曹燕頤虎頭何可再餘力空奮矛與刀側身南望
心魂勞已矣雨露何時邀

別友

莫以臨歧淚沾予出塞衣兩行書可寄三載客當歸地有關
山阻心無畛域遠中天一片月萬古共清輝

懷來縣

落日懷來縣人煙接漠庭塞雲連磧白埃火出林青身世甘
還棄心情雜醉醒邊笳聲漸近嗚咽不堪聽

汪士驤

字鐵樵休子錢塘人官

杭郡詩三輯鐵樵高祖從征大金川陣亡

職鐵樵世襲恩騎尉故名錄緣營性航文墨博覽古今
圖籍間為歌詩以自娛工篆刻古勁處直逼漢唐晚年
作小楷尤精詩不多作而造語淡遠深得言外之趣辛
酉之變居危城中神色自若惟以忠義
訓家人預賦絕命詞城陷闔門俱殉

秋日偕六舟上人宿白雲堂萃公房

秋暑熾未已言尋招提游欣逢素心侶持觴互勸酬禪榻清
夢穩空山塵境幽回頭廿年事虎阜憶同舟

預賦絕命詞三首

人生天地閒立義不可屈我今行年耄豈肯撓于賊寇氛不
能禦俯仰慚厥職奮身入黃泉浩氣凌白日將軍誓斷頭頂
踵所不惜

我死家人生辱家卽辱我甯隨九原去毋爲強寇侮敢說忠
義氣一門無齟齬緬彼張睢陽激昂起忻慕家人知我心含
笑視泉路

圍城六十日萬眾誓效死壯哉吾杭人上可告

天子百年終爲鬼竭忠斯可已戴履二百年報答愧止此掀

髯付洪波懷清如白水

題壁絕筆

賊氛重逼慨艱危粒米如珠勢不支相率妻孥歌永訣承

恩繼世報

恩時

吳承勳

字子述仁
和諸生

杭郡詩三輯子述性冷不諧俗詩有宗法尤好爲詞曲
與黃韻珊大令許芷卿茂才吳蘋香女史相唱酬其繼
室查氏名定生亦
能詩惜皆散佚

飛雨亭

玉女朝朝愛洗頭跳珠墜粉未能休敲殘蓮葉三更夢落盡
梅花五月秋懊惱風情畱扇角淒迷光景偏簾鉤擬將鐵笛
吹雲破須到層城第一樓

趙慶瀾

原名慶熾號笛樓仁和人

長至日寄懷許芷卿

宿雪初晴意頻看雁字沈感時同灑淚賦別最傷心故土離
三載來書抵萬金一陽春又轉閒坐撫瑤琴

查餘穀

字二餘海甯諸生

雜述

獨自歌呼雜笑號眼中何物是錢刀
襴衡袖滅多年刺仲蔚門圍幾尺蒿
到老須知書有味雖貧終覺品應高
衰年死是須臾事自信芭籬縛得牢

縻餉勞師已有年天涯何日靖烽煙
終軍老去纓難請東郭新來屢欲穿
家事堪磨三尺劒人情不值一文錢
寸心那解營非分但乞秋成到硯田

郭沈華

字子明號耕民海甯人官中書科中書省曉集詩鈔

杭郡詩三輯子明承先業為帶下醫時稱良手夢蘇先生其嗣父也所遺詩卷護持于金戈鐵馬中編付手民可為賢矣尋以哭母卒至性誠有過人者

贈莫坪

蕭蕭雙鬢漸如絲落拓依人事可悲疏放故應生愛酒窮愁未必坐能詩消磨歲月書千卷管領煙霞筆一枝諸老年來彫謝盡詞壇大雅好扶持

許誦嘉

字子震海甯增貢官鎮海訓導

許誦嘉字子震海甯增貢官鎮海訓導輓聯數十對歸背錄無一字譌季父農部公歎賞之寓書先府君京師曰此子當有造也未冠遊宰屢因棟閣鬱鬱不得志遂援例就廣文官選鎮海學未赴任卒年僅三十有四烏序傷已兄生平好吟詠積稿十餘冊咸豐己未先兄靖甫謀鐫版攜至梁谿適官廨災稿本被燬戚好范氏鈔存二首皆少作錄之以存梗概

銅龍

微霄漏箭幾枝添半剔銀釭月墮簷一片靈機旋翠幕三更
清響出紅簾茶溫雀舌人初倦香暖麟鬚睡亦甜只恐鴛鴦
棲不定雙雙飛上玉鉤尖

鐵馬

絡索穿成鎮日垂琤琤又到落花時春聲攪碎簾痕動晝夢
敲殘漏點遲金屈戌搖風面面玉東丁響雨絲絲驚人總是
淒清韻分付樓頭燕子知

祝富明

字公選海甯人
著槐村詩草

杭郡詩三輯公選攻篆籀之學內行純篤父錦川年八十寫芝鶴圖徧徵名流題詠祝氏爲海昌望族代有著述公選懼其久而遺佚手錄成帙積卷尺有咫可謂善保先澤者矣

秋夜書懷

檐前谿月照昏黃秋到深時夜倍涼入世久拌蟲食蓼耽吟
何礙鼠搬薑叢殘插架書千卷辛苦隨身硯一方卻笑卅年
成底事依然作嫁爲人忙

楊

韻

字仲玉號小鐵自號青笠散人
嘉興人著息笠庵詩集六卷

張文虎序略小鐵居鴛湖之濱其畫如輕雲澹月自然
高妙作詩意境亦復相似予尤愛其七言絕句風趣頗
近晚唐時出入於南宋江湖小集蓋君爲人和易而曾
次夷曠不汲汲於富貴不戚戚於貧賤又嗔喻湖光得
其清氣故
所詣如是

枕上

夢回聞巷柝敲枕動微吟月色澹於水花香清到心寒蛩何
處急秋思一鐙深獨自擁衾臥蕭蕭風滿林

乳媪

人生僅百年忽焉過年少又況孩稚初小時難了了昨歸問

母安倏見老田媼白髮新鬢鬢青裘束寒襖容顏似相識顧
我爲我告昔我來汝家汝猶在襁褓阿母脫懷中令我負且
抱撫汝致乳哺白皙顏色好汝笑我亦樂汝嚙我不惱六歲
去汝歸春花又秋稍廿年不見汝我而已枯槁汝長已若此
那得我不老我聞劇傷心日月眞過鳥修名竟無成何以爲
媼報畱媼且莫歸殘年飯同飽

寒窗遣興

紙閣蘆簾絕點塵殘年冷況未嫌貧喜逢驛路春風到寫幅
梅花寄遠人

寒士生涯祇硯田一鐙長夜聳吟肩詩成偏惹山妻笑欲向
何人賺酒錢

西湖飲酒歌同戴醇士高筱埕作

行樂須及時人生無百歲當筵發高歌拍案歎淨世昔日來
游春正好今日來游人已老西冷山色依然青此中埋骨知
多少不如痛飲湖上船眼前有酒且醉眠誰能使我再少年
呼進酒復徘徊一飲傾盡三百杯埽除塵垢雙眉開古來豪
傑安在哉

孫

融

字次公秀水貢生著始有廬詩藁八卷

竹南筆乘次公與于源齊名並以詩鳴禾中沈愛蓮續輯梅里詩次公多所襄助次公所刊鷗盟集皆其朋好之詩劫火之餘頗賴此畱存一二云

駕水餞行詩爲薛慰農先生作

藝祖重宰相須用讀書人令尹亦當爾與民情最親學道在
君子弦歌化以新眾動貴使靜風澆宜返淳卽遇時勢艱經
至權乃申千古理不易眼前望更殷斯論似迂闊得毋俗吏

曠

藐躬苦飢驅頻年去鄉里今秋返故都風俗漸仁美羣言邑
侯賢父老色然喜時方值歲荒女慙虐未已侯本慈父母愛
民如愛子鴻嗷雖徧野口碑仍盈耳鄰邑咸蠢擾吾邦庶有
豸

下車甫一載牛刀見小試傳檄來省垣及瓜已云替里閭聚
如鴈老稚共鼎沸典衣爲斂錢去去叩大吏願言借使君吾
儕心以慰詎知事難道如縵紛涕淚斯民固蒙蒙良出至誠
意

侯本鳳池侶枳棘難久巢昆仲嫺翰墨藻采翔九苞樂育徧
鬢序拔士連茹茅賤予好吟詠偶涉風與騷侯亦忘勢分往
來文字交一言以爲餞持詩走芳郊世事姑勿論且共醉醇

醪

十國春秋吳越雜事

一字褒譏屬史官橫征事合子虛看廬陵千古如椽筆尙覺文章公道難

徐元琛

號友笙平湖諸生
箸天生吾廬存藁

花木餘詠

垂枝桐葉報新秋疏雨初過滴漸休不道晚來明月上涼陰似水滿階流

范仁壽

字一瓢桐鄉增生
著怡雲集詩鈔

夜雨

密雲初作雨清聽入遙思翦韭及春夜對牀仍故知三更寒客夢十日慰農期明發新雷過憑參玉版師

沈紀常

號夢湄烏程諸生四川候補同知著且住齋詩橐

田家

柴門面水開
繞屋半桑柘
鳴鳩不住啼
一雨足山翠
秧田水溶溶
攜榼午餐饋
清話逢老農
村醪亦堪醉
夕照挂深林
棟花落涼吹

曉度揚關

破曉推蓬人語喧
戍旗獵獵峭風翻
一痕涼雁山如髮
數點昏鴉柳半髡
帆帶遠煙歸隔浦
樹懸破網出孤村
蕪城風物凋零盡
怕向樊川更細論

登荊州望江樓

雨過雲開風峭然
登樓縱目客愁捐
大江作勢爭趨海
孤塔凌虛直上天
三楚河山此風景
百年人物幾雲煙
生平擊楫

雄心在何日乘流快放船時寇阻漢口

戴純一名福震字羹叔號秋億又號味秋德清諸生箸紅蕉庵詩集

汪曰楨傳略純于三俊中尤秀出避俗如浼取友尤嚴非砥行方聞之士雖曜近之弗顧焉以哭母嘔血力疾劬學讀書日有常課潛心經史經長於詩史尤熟于宋

代皆有所發明遇疑義必質難商訂實事求是欲著書而未就卒年

二十有五

葉調生感逝集詩錄羹叔為銅士季子十三齡時侍飲父執分韻即席成詩端木子彝舍人有詩郎之目稍長有志讀書肆力經史

夏夜喜汪薪甫日楨至

虛籟挂空碧孤鐙影欲沈倦雲涼倚屋清簟靜眠琴肝膽酒邊氣文章天外心清談忘夜久揮麈坐花陰

雜言

丸丸巖山松歲晚異羣木習習都梁香流芬徧空谷等是草

木類偏能得天獨君看桃李花春城炫繁縟一夕委飄風泥塗絕餘馥內美久必彰浮華零自速姑偕三春花勵我半生學

爲學戒歧趨首貴定厥志擇術苟不精枉費心力悻奧理探程朱論者謂多事精義披馬鄭見者謂好異佔畢但空言意在弋名利成敗姑勿論所見無乃鄙生平慕古賢抗懷別有寄毀譽聽諸人讀書志無愧

士林習標榜厥患古已然不有障川手蹟流相洄沿一書乍脫橐索疵窮豪顛一事偶到耳指摘恆爭先門戶旣各峙儼若敵壘堅即使所論當量隘心斯偏不見尙友者事理期精研棄取貴心得不假口舌宣我懷陸大夫西都蘊名賢

於義苟無當多言亦奚爲於世苟有補一語千秋垂貪多由

好名識者嘲詈癡金沙每維處將毋海棗啗讀書欲明道載
道須文辭非爲自炫計得失求心知豈有不朽業而等逢世
資

書史忠正餘烈後并序

明閣部史忠正公遺像及家書橐乾隆中勒石於維
揚余所見拓本舊爲陳無軒學博焯所藏題曰史忠
正餘烈因爲四詩書其後

慷慨披公像峻嶒丰骨標熊羆喧四鎮鹿馬誤中朝赤手山
河障丹心鼎鼐調艱難撐國事鬚髮壯年凋

分闢維揚日安危獨倚公迎鑾違始志出鎮見孤忠骨肉諸

親隔江山一戰空少年身許國耿介有師風

謂左忠毅

醫血陳遺表援兵豎義旗揮毫晨草檄雪涕夜登陴大事嗟

飄瓦辱王困置基家書和淚寫城角合圍時

彌綸真氣在展拜幾回看落日長淮水浮雲大將壇寡妻同

抱節苦語欲摧肝梅嶺新祠在鬚眉式壯觀

公家書中勸夫
人同死末云書

至此肝腸
寸斷矣

湖州樂府 錄一

唱蠶花

一夫持鉦一婦偶以鉦節鼓互前後兒童開戶紛相呼出入
嘻嘻開笑口曼聲相和低復揚雜以俚語取吉祥但祝蠶花
歲歲茂且盛終以收繭始采桑同是男耕婦織身胡爲入市
趨歌塵唱隨未必具真樂廉恥鮮矣風非淳有人搖手戒勿
語何必高談猶泥古君不見村落棧船擊花鼓

懷荆篇爲程子翔

霜作并序

子翔伯兄石曇

雲

以名孝廉出宰城固有政聲道光

三年卒于官子翔爲述軼事屬賦此篇

清門蘊碩德伯仲皆英英至性重倫紀出處無殊情我聞軼
事想循吏循吏者誰程先生立德立功古不朽請君聽我歌
懷荆先生篤行更勵學讀盡三壁書咍咍貫虹氣鬱久則達
蔚然豹變鳴韶齔文章豈稱報國具臺閣儘讓諸公登歸求
治術本經術薦章旋出名公卿

帝曰咨汝宰城固亟以霖雨蘇吾氓先生委蛇肅官紀繁劇
凜若弗克勝關中要地重守險城西鼠子方縱橫相沿不識
有官長公時晝夜勤登城始以威讐繼德訓曰祇其父恭其
兄僉謂公眞子視我以子背父理不應棄刀悔悟道旁拜願
此邦守惟公膺束諸刀劒入官府各持農器歡春耕公言修

武厥有效豈茲文治難恢宏盡徵多士擇髦俊奧旨悉爲研
六經文取醇茂黜華侈行貴敦實懲浮輕治澤所周氣一變
若木之正由從繩是遵何道妙感化本諸學識行以誠從此
仁風扇徧戶訟庭花落苔痕青雀鼠偶聞訟當午蒲鞭帖帖
懸無聲但見據案語刺刺如訓子弟毋侵陵法古有宜鄰境
化斗大險邑今康平大吏交推上以最謂官宜遷秩宜增民
走伏闕以公請

詔允其請弗紛更棠陰數佐日以廣人懷其惠欽其清於平
治績懋且美是當奕禩垂令名況乃距公未十載厯指往事
如親承公之仲氏亦卓爾二難人羨墳簞并神光燭僞鑑毫
髮當時曾佐兄明刑

謂子翔仲兄榆村

叔子能詩性和雅溫溫照玉

蘭比馨北堂奉母以孝著故知厚德家風仍交于未久誼獨

擊每述兄德堪鐫銘遠游康樂年且老挾策祇爲飢驅行村榆
方客漢中悽懷望遠抑悲涕有淚不敢親前傾阿咸尙幼頗好弄
皆來受業學問相長慚無能石壘有兩子我聞清德有餘慶循吏之後
天能興束躬況懷畫虎戒會看疾疾增聰明盛衰有數每倚
伏君其靜驗天心恆感懷展紙愧詞鄙聊爲吾友傳先型千
秋論定俟青史緹油請以吾詩徵

題凌忠介公早朝圖

九天閭闔雲中開四郊烽火紛如雷明星三五天欲曙緋袍
象笏凌公來公之致身在天啟星輶持節森丰裁思陵及位
遇尤摯霜風肅肅飛南臺烏程入繼宜興相側媚希恩更無
狀黨獄初解社禍興宵旰王心復誰諒市官要結徧鄉里胡
弗引公振風尙舉公公亦羞與同官囓儉人損清望孤忠耿

耿臣心懸國維已絕難補天官方勿澄朝政失抗疏不惜披
臣肝倩工作此豈無意惟公心事圖能傳嗚呼哉公之鞠躬
盡瘁事非一豈止硜硜守臣節有將假寐表從容并薄犯顏
矜激烈可憐賊薄長安門銅鑲不啟騰妖氛斯時欲朝已不
得祇餘柱血殷紅痕嗚呼公魄在天名在史公道何昌遇何
否同時忠烈溫忠烈公璜與瞻山葉御史樹聲甲申之變御史共適居父憂以哀毀先卒于家
慙丹衷照若水聞風興起百世師敬恭況復繫桑梓披圖重
復感

興朝何幸盛時作臣子

張培基

字梅史鄞諸生著問已齋詩文鈔

常山旅店阻雨

底事違親忍遠遊長途風雨此淹留謀生頗悔閒居拙行路

方知作客愁候館春寒眠白袷郵亭泥滑喚斑鳩那堪不寐
孤燈夕偏向空階滴未休

盛

塚

字穗田慈谿廬
貢著獵棄集

題吳竹橋駕湖吟草

一棹駕湖去蒼茫任所之半生游俠興一卷性靈詩結客存
真意思親悲遠離歸來風雪夜猶見捋吟髭

沈

謙

號竹堂
會稽人

招涼

招涼何處最蕭疏獨木橋邊水竹居一片晚霞度飛鳥淡紅
箋寫米顛書

題蘭蕙畫卷

家住稽山古若邪滋蘭樹蕙作生涯無端謔墨閒窗下雙管

催開兩種花

呂作心

字臂臣新昌諸生

沃洲山

沃洲山色正清酣
賒與支郎貯一龕
松檜雨餘山抹黛
蒹葭風起水拖藍
平津鷗戲春歸半
巖樹雞鳴午度三
擬翦茅茨倚翠壁
開籠放鶴看朝嵐

王

齡字楚園浦江貢生著亦亦詩鈔

張汝房敘略先生善畫不假雕飾別有天趣讀其詩如見其畫如見其人

孝感泉

至誠能感神應如形與響
孝爲德之基天人理不爽
大旱熱爍金流波成槁壤
母渴劇於飢子心鬱以快
爲念乳哺時三年未脫襁
母乳卽母血母血泉水仿
泣血血如泉血枯泉水

長芳蹤撫及今至德念疇曩築室護殘碑千秋此題榜

擬古

有恩可圖報雖恩未云深有痛任號呼雖痛未傷心今君抱
何疾涕泗橫霑襟集枯與集苑斯理難追尋春風正駘蕩春
鳥載好音何不日行樂鬱鬱長悲吟

人心果如面對面可相識我面非人面何況在胸臆胸臆不
可知鴻鵠飛來時鴻鵠遊四海浩淼無津涯肺腑誰爲親肝
膽誰爲披但願心如面無事深猜疑

謝青楊

字光猛一字次榆號小帽平陽歲貢著愈愚齋詩文集

孫鏘鳴序略平邑嘉道閒以詩鳴者華萊園鮑石芝兩先生謝君小帽爲後勁小帽之詩力趨雅正五七言律清婉有格於唐賢中與許用晦章端己相近

吳承志曰次榆少聰穎好詞翰與華文漪友善詩學多得所指授集中哭華萊園先生六十韻云憶我初識君

其時齒猶稚君也賞我詩謂得古人意忘年忝下文金石結深契我作向君商君吟爲我示又五十生日感賦云爲思友誼兼師誼最數龍頭與虎頭注謂華景園顯芝田兩先生次榆淵源文漪見於自述如此

詠古六首

制治有良謨成規不容泥復諫固非宜避譏亦鮮濟國僑鑄
刑書自云以救世三辟曾相規不沮叔譽議武侯治蜀嚴因
其積弱勢法立則知恩孝直昧斯義當事有深心旁觀殊過
計要知謀國難未得輕嘗試二公任獨斷皆具過人智苟未
諳大體毋甯徇眾志熙豐執政臣貽誤在專制

吾笑沈諸梁好龍繪龍形真龍自天降走避心魂驚祇解好
其似所好殊未誠龍不爲世用得失無足爭如何好士者亦
徒負虛名平原處濁世翩翩播芳聲相士徧天下食客三千
盈公等盡碌碌事必因人成毛生差傑出受恩有重輕處囊

苟無日詎不虛平生悠悠世俗見屈抑人中英

國士感隆遇漆身圖復仇擊衣縱無濟天地爲之愁爲難不從易將使亂臣羞其精貫三光其言足千秋如何百世下論者猶深求謂昔事中行胡弗憂其憂

元化本無心傾覆裁者培修短隨所賦疇能外胚胎愚者求長生勞勞良足哀秦皇及漢武自許爲仙才徐福去不返輻輳自東來安期竟何許茂陵櫬可材方其得靈藥莊論詎能回惜無中射士攘食恣嘲詼

子雲賦長楊文詞一何偉胡乃草元經徒解事摹擬得似遺其真糟醕詎足喜事必師諸古言當出之己苟能抒心得亦未悖宗旨自從七篇來文章寶蔚起煌煌佐六經莫如昌黎子

文人有結習竝出還相輕豈真昧得失良由競聲名邢魏俱
才俊彼此騰譏評盈川處王後其意殊未平百世有定論竝
世空紛爭惟應隔時地賞識心爲傾武皇誦子虛恨不見長
卿北海有述作魏文求之誠

登福鼎山

瘦削不膚土孤高無與儔常雲晴亦雨背日夏疑秋巨斧何
年劈仙蹤亙古畱淩虛振遙策便擬挹浮邱

獨立鳥飛外遙看天盡頭嵐陰千里暮雨色萬峰秋長嘯鳴
鸞鶴高歌動斗牛盪曾雲海闊東望正悠悠

秋日東顧芝田先生

木落煙空水正波故人消息近如何湖山兩地音書絕風雨
重陽感慨多函谷未緣來紫氣

芝田夙許來遊竟弗果至

旗亭劇憶唱黃

河他時別墅能相訪一曲高軒得意歌

西郭江上送友人赴省

煙水碧無際孤帆方遠征白蘋風色冷紅樹夕陽明獨客旅懷集相思華髮生垂楊乍搖落攀折不勝情

秋日訪友人山居

桂花香不斷一片小山秋之子家何處清谿水自流言尋樵徑入忽到澗房幽隔竹仙龙吹炊煙出樹頭

登管洋山有懷亡友華棗園

木葉微黃石氣青雲泉深處舊曾經碧山無恙高人往一樹寒蟬不可聽

石門觀瀑懷劉文成公

四圍峭壁青摩空枯藤倒挂蒼苔封洞口初窺若無路攀緣

幾訝猿猱窮捫蘿一入洞天關陡覺奇景開心智懸流直下
數千尺其上疑與銀河通忽然噴薄作飛雪轉眼變滅隨長
風晶簾晃漾練舒卷欲斷不斷垂濛濛有時朝暾相映射一
道斑斕成彩虹坐倚巖扉觀不止懷古卻憶文成公文成當
日處元季棄官甘作冥飛鴻天開靈境足高寄聽瀑日支
吟筇真人乘運起淮泗徵書遙至還從龍籌畫如神定大計
指揮任意殲羣雄與人家國事非易草廬回首荒隆中蓋世
勳名在青史所貴明哲全其終明祖創業等劉季先生亦與
畱侯同故山如此好歸隱恨不辟穀從赤松惟庸豎子何足
責從來鳥盡藏良弓吁嗟乎昔賢一去不可作飛瀑依然巖
際落臨流三歎想高風追隨那得乘黃鶴

放歌行贈華竹蹊

棟

在昔蒲中遂詩學杲齋昆季最超卓寥寥祖述竟無人三百
餘年歎蕭索棗園自是後來豪別裁僞體親風騷博涉諸家
取以約兼工眾格臻其高持論精嚴致不苟雅尙骨力遺皮
毛洗出元音息浮響如聽鳳管兼仙璫挖揚自合有同調君
也迭出超時髦家學淵源經指授鉤探神妙窮秋毫能事不
使相掩抑雲龍上下參游翺閒情頗復耽幽眇家住城南惟
半畝空明潑眼闢軒窗疏落隨心布花柳便將詩酒作生涯
此外紛紛復何有每逢月夕與花晨十千沽釀官辭貧飲到
微酣兩耳熱拔劒斫地何嶙峋揮毫落紙如有神騰蹕直欲
無前人看君志操出塵表天半孤鴻自天矯只言氣盛俗難
諧誰識才高心轉小愛坡拙製常稱奇嗜痴有癖忘瑕疵管
見自知鮮裨益虛懷不惜相詢咨遂令季緒多譏口輕議邯

鄆絕妙詞投契幾如膠漆固彼此深情託豪素臨惱知己有
楊脩劉尹傾心祇元度屈指周旋十載餘清游歷歷猶堪數
與君懷古江天秋君作長歌我短謳與君對酒山城雪君累
巨觥我薄醪所恨東西兩地分中間聚散如浮雲叢桂山中
應憶我芙蓉木末迴懷君郵筒幸把新詩寄朗誦數篇輒快
意阿蒙才性殊難量小別旋驚造詣異益須肆力追正始大
放厥詞振積靡他日騷壇擅兩華直教二鄭難專美

孫鼎吉

字小山錢塘諸生
著映雪軒詩草

潘鎬曰君全家殉藉寇之難君亦死而復蘇孑然一身
幕游粵東身世之感多寫以詩七律如身無薄技天猶
忌人到窮途夢亦愁狂奴失志悲歌易孤客無家
去住難讀之能使人悲豈所謂窮愁易工者邪

解嘲

不須把酒問青天忙笑公卿靜笑禪家免飢寒真富貴身無

疾病卽神仙閒偕詩友尋山水醉聽鄰園奏管絃漫道腐儒蕭索甚旅囊猶贖賣書錢

客感

潦倒書生命不猶難將蹤迹問閒鷗恨如亂石庚庚疊愁似新絲乙乙抽把卷倦看重折角憑闌無語但低頭惱人最是天邊月一夜寒光照畫樓

沈士津

原名薰陶字雷民歸安廩生著樂琴書屋詩草

采桑詞

春風吹雨過江南戴勝初來水染藍每到踏青時節好桃花開徧浴紅蠶

更深夜靜燭光微起視蠶稠怕葉稀問價低昂誰逆料商量且典嫁時衣

黃式穀

字似孫號細湖鄞歲貢

陳勛跋略君早歲而孤其於行文作詩之法多得諸世父東井先生指授故雖存者寥寥皆繇有先正風格

題陶陶室次主人孫蘭皋原韻

廿年甘閉戶事事適閒心香攪花閒酒風調壁上琴墨池看
月小拳石指雲深時和淵明句醇如太古音

慈湖

長隄紆鬱短亭空敲笠人來趁好風一片夕陽秋影外四圍
山色水光中楊祠草綠門閒閉闕宅雲深磬暗通卻恨不逢
三五夜更看明月墮珠宮

顧文煒

字赤雲號蓮峯山陰歲貢

陶潛宣曰君祖省庵老人諱濬居縣北安昌邨嘉慶甲戌五月集同里耆年八人爲入老會凡五百八十五歲省庵年八十四齒最高每會飲酒賦詩遠近和之傳爲佳話有入老酬唱詩一卷方品元詩曰會如神國多三

兩浙輶軒續錄卷三八

清江集 履齋 奎

老壽較香山長一齡白香山九老會詩九人五百八十
四也其卒也壽逾九十者半閱數十年有後入老會常
譙集於洛思山蘇公祠省庵有元孫十四人來孫二人

旌五世同堂君為省庵長孫幼從莫寶
齋王南陔兩先生游詩亦雅潔

八老會譙集詩

華譙開郊甸賡揚述祖篇綵觴娛壽耆高會集羣仙尤覆調

羹美榴紅醞酒鮮清襟珍稷續妙諦悟魚薦方叔推元老

氏方省吾先生諸公結舊緣五雲占紫炁三善播朱絃師範金如鑄

高名楊為懸知人由盛德辟穀受真傳數較商山倍風追洛

社先粹容瞻肅穆雅意洽周旋饌進行廚味茶烹益壽泉修

齡儕絳縣遺迹記彭錢高誼偕雲上幽貞與石堅情懷存長

厚福祿慶兼全白首盟心素青箱富眼前健皆能卻杖齋不

願逃禪鄉黨原尊齒明堂亦引年古權追月旦朗曜應星躔

醪飲猶稱禮乾餱豈敢愆清風餘澤在軼事尚蟬聯

陶思曾

字在一會稽諸生著五

陶潛宣曰先生幼沈靜寡言笑年十三學作文便壓曹
輩兼工詞賦既而盡棄之專肆力經史二十四游學京
師嘗以書謁阮文達公手書稱其論語左傳二書精案
詳博非老師宿學竭數十年功不能潛宣猶及見此書
文達

子告

旋里瀕行屬蕭山湯文端公善視之惜見知文達才一

月文達即南歸又兩年而先生死年僅三十四病革時
子身客邸短檠熒然骨柴立血略略不止猶手一卷扶
枕唏噓流涕不釋也先生篤守鄭氏之學所著書曰論
語鄭注證義孝經鄭注證義左傳賈服注參考詩攷攷
書疑疑說文引經異同攷玉篇引經攷太平御覽引經
攷神農本草經正義城門制度五千卷書室文藻四卷
詩一卷以無子棄聞有散佚潛宣搜輯得
十餘冊藏於家詩非所專詣錄存梗槩

西湖夜步

塵氛忽已靜清景落湖中漁火一星遠煙波萬頃空歌聲花
榭月香氣藕塘風獨立西冷畔悠然愜素衷

山中訪友不遇

沿緣傍澗行徐步入林谷茅徑靜無人雞聲下山麓借問隱
君廬一扉闔深竹松窗何悄然閒階臥麋鹿夕陽明半巖寒
溪凝暮綠采藥人不歸雲深何處宿

秦望山

揮斥百靈護縱橫萬馬驅憑高壓王氣望海駐龍旗發難將
陳涉歌功尙李斯歸然岑石在千古識秦碑

山寺晚眺

松門翠微半落葉颯秋風林淨一峯出山深萬慮空僧歸蟲
語裏月到磬聲中薄暝禪鐙上圓光落澗紅

曉發秀州道中

夜泊無鳴柝荒雞報五更殘鐙照孤枕柔櫓軋寒汀曉氣沈

江影霜威噤雁聲推篷見三塔知近秀州城

蔣志杰

字子英會稽人
著楚游小草

擬古

新製合歡鏡珍重長拭拂拭流素輝皎若中天月月缺會
有時此鏡光不滅冀得同心人持以比清潔

秋夜

夜半城頭烏鵲鳴沈沈戍鼓倍關情閒看一片如霜月愁聽
千家擣練聲久客望鄉人北向高秋何事雁南征西風蕭瑟
衣裳冷斗室徘徊直到明

懷杜繩武

瀟湘渺無極鴻來天地秋登高矚遠道念子心悠悠聚日非
所期別時安可留離合等夢幻徒倚增煩憂縱有雙飛翼行

蹤何處求

從軍行

壯心直欲取樓蘭
關塞渾忘行路難
鄉國不知人去遠
尺書猶自寄長安

陶

春

字倫鄰會稽諸生
著焚餘詩草二卷

陶潛宣日君性淡泊喜吟詠
闢小圃獨栽菊花嘗爲菊
花寫照日數十紙自題畫菊詩多至百數十首
晚客溫州賦鴈城竹枝詞二十二
章紀述風土淵然足調

自題畫菊

墨汁淋漓信手塗
幾枝瘦影欲模糊
悠然試向南山問
得有黃花意也無

寫出清霜影裏花
一枝枝向小窗斜
不須待到重陽節
涼意幽情滿碧紗

潘炳藻

字小庵蕭山諸生
箸鳴和聞存集

陶潛宣曰君爲指蘭子父子
合刻一藁曰鳴和聞存集

題舒城令鈕西農詩集

示我瓊篇逆旅中詞源浙水本遙通才掄雁序俾蘇氏

謂君弟松

泉殿撰

化洽龍舒借寇公琴閣風清知訟簡印牀花滿助詩工

山川景物資吟興循吏儒林樂事同

名流風骨自珊珊然角藝詞場早著鞭七步摛才眞拔俗一行

作吏亦如仙胸儲錦繡詩成癖手撫鶯花集可編對此陽春

慚莫和齊驅庾鮑問誰先

傅克莊

字子周號蒙園諸暨

傅振海曰族父蒙園負才不偶性嗜吟詠兵燹後遺棄
多佚斷句如遺興云詩將酒比都嫌薄草當花看不礙
多輓趙靜淵云逝如歸去君原達信自飛來我尙疑嘲
柳云不嫌多露頻偷眼偶見東風便折腰皆清新可誦

所著尚有蒙園雜著未梓

石橋晚步

港小舟難入沙輕水共流牆開梅一樹籬護鴨千頭月白翻
迷路燈紅未上樓所思偏不見小立爲誰留

錢

玫

字漢邨上虞廩貢道光元年舉孝廉方正

陶潛宣曰商寶意先生選越風上虞僅采十數人道光開謝味農聘輯國朝上虞詩集十二卷以補之其後漢邨復有上虞詩輯之選書已付彙惜傳本極少也

九日

莫囊聊復綴酒罷擬登高樹動摩雲影泉飛捲雪濤功名宜
後輩山水屬吾曹今古相關處臨風憶楚騷

陳雲衢

字閒齋新昌人著閒齋吟草

嘯圃與嚴逸人

天寒詩骨清樹禿風聲歇坐隱夜已深敲冰煮山月

呈張明府松生

一角山城落日斜勸耕南畝且停車風流不學河陽令只種桑麻不種花

寫懷二首

我性不入俗卻與世人疏脫略禮常少安閒心自舒面山如對友欲睡每拋書願得羅浮住梅邊小結廬

乞得邵家種門前盡種瓜蠻聲兒學語破鉢女栽花池淺魚堪數樓深竹半遮最憐松月上推影到窗紗

王性之

字得天新昌歲貢官直隸吳橋知縣

南巖山

神工何代擘雲開千尺懸巖峯排疑是維摩飛錫處卻傳

兩浙輶軒續錄

卷三十八

陽春集

日知錄

究

川又

公子釣黿來星搖石罅巖花滴日影潭空鷗鷺猜更見天孫
留一軸機聲隱隱碧嵐隈

兩浙輶軒續錄卷三十八